



Tormenta di sneeuw ta causa cancelacion di vuelo atrobe pa y for di Aruba



Pagina 2

- **VDA na IPKO: Resiliencia como clave den seguridad di Reino Hulandes**

Pagina 3

- **Ecuador: Homben arma den uniform estilo militar ta mata siete persona**

Pagina 10

- **Banco Mundial: Igualdad na trabao no ta existi ningun caminda**

Pagina 24

Trabaonan di saneamento di Dump di Parkietenbos lo inicia e aña aki



Pagina 6

A aproba extension nobo di Estado di Emergencia na El Salvador



Pagina 11

Trump ta busca pa haya confiansa atrobe den discurso di Estado di Union



Pagina 23

Tormenta di sneeuw ta causa cancelacion di vuelo atrobe pa y for di Aruba

E siman aki centenares di turista a keda pega na Aruba debi na e ultimo cancelacion di vuelo bayendo y biniendo for di Merca. Aki ta trata vuelonan cu ta bin mayormente for di e parti noordoost di Merca, cual actualmente ta pasando den un tormenta di sneeuw y clima friu.

Aerolineanan JetBlue, United Airlines, Delta Airlines y American Airlines mester a cancela nan biahenan mientras algun ciudad Mericano manera Boston y Newark ta experienciando un cantidad di sneeuw. Segun medionan internacional ta reporta, e clima friu a afecta varios aeropuerto Mericano, incluyendo John F. Kennedy International Airport, Newark Liberty International Airport, Logan International Airport y Philadelphia International Airport.

Pero Aruba no ta e unico isla den region cu a ser afecta pa e cancelacionnan aki. Den Caribe, tin varios destinacion cu a mira un ola di cancelacion di vuelo recién causa pa e clima severo na Merca. Aero-



puertonan na Puerto Rico, Republica Dominicana y Jamaica tambe a reporta retraso y cancelacion riba rutanen conecta na ciudadnan Mericano. Turistanan na Santo Domingo y Punta Cana a keda pega pasobra avionnan y tripulacion no por a sali for di aeropuertonan na Merca afecta pa e clima.

E situacion ta subraya con cerca biahe aereo den Caribe ta depende riba operacion na ciudadnan Mericano.

Tendencia di cancelacion durante 'high season'

E incidente aki ta bin despues di varios cancelacion durante e ultimo luna, unda Aruba a mira centenares di turista sin manera pa sali for di e isla—varios di nan sin luga pa keda. Aunke e problema no ta bin di Aruba su banda, e cancelacionnan aki ta señala con condicionnan di clima—hasta na otro banda di mundo—por trece su consecuencia na nos mercado di turismo.

Aruba, como un isla mayormente dependiente riba turismo Mericano, tambe ta keda afecta pa retraso y cancelacion causa pa influencia exterior, unda e sector di turismo y hospitalidad lo mester acomoda y yuda turistanan cu ta keda pega pa un of varios dia. Na mesun momento, otro turistanan ta keda dreña e pais poniendo mas presion riba e sector aki.

Manera ta conoci Aruba ta den pleno high season y ta custumber cu esaki ta un di e lunanan cu mas turista ta bishita Aruba. Historicamente e ta un tendencia y Aeropuerto Internacional Reina Beatrix ta na altura di esaki y sa cu ta di spera un fluho significativo di hende cu ta dreña y sali for di e isla. Y den un situacion unda varios vuelo ta cancela, e fluho ta bira aun mas pisa, posiblemente treciendo inconveniencia na ambos turista y servicionan riba e isla.

Y Aruba a mira caba e efecto cu sucesonan asina por tin. Na december aña pasa, varios vuelo entre Aruba y Merca a keda cancela pa motibo di condicionnan di clima, un tormenta poderoso di winter cu a afecta New York y New Jersey, y problemanan tecnico cu no tabata relaciona cu e tormenta. E impacto combina a crea un interrupcion den trafico aereo di tanto entrada como salida, na Aeropuerto Internacional Reina Beatrix.

A consecuencia di e cancelacionnan, aproximadamente 300 pasajero no por a sali for di Aruba y tabata rekeri acomodacion pa anochi. Cu hotelnan operando e tempo ey casi na capacidad completo debi na e temporada halto, autoridadnan a enfrenta reto-

nan inmediato pa sigura suficiente camber. E situacion a causa un apelacion urgente na e comunidad, pidiendo residentenan cu tabata doño di propiedadnan di huur di termino cortico (short term vacation rentals) pa asisti den alohamento di turistanan pega.

E yamado na comunidad pa asistencia a pone enfasis riba Aruba su tradicion di hospitalidad y solidaridad. A pidi ciudadanonan cu tin acomodacion disponibel, entre otro apartamento, condominium, y casnan priva, pa tuma contacto cu Aruba Tourism Authority (ATA) y duna nan datonan personal hunto cu e capacidad di nan propiedadnan. Pa fin di dia, oficialnan a informa progreso den sigura acogida pa mayoria pasahero pega, danki en parti na e contesta rapido di hotel y doñonan di propiedad priva.


E siman aki a mira un otro cancelacion, e biaha aki di e crucero Island Princess. Manera Bon Dia Aruba a reporta diamars, e crucero mester a cancela su ruta pa e isla debi na bientonan fuerte den e region y condicionnan insigur den waf. E cancelacion aki tambe a afecta pasaheronan cu tabata anticipa di pasa un dia riba e isla. E barco tabata spera di yega waf cu otro barco crucero, pero condicionnan di clima a dicidi riba un otro destino.

Discovery I tabata e unico barco crucero cu por a mara na Aruba diadomingo. El a yega alrededor di 8:00 a.m. y tabata programa pa keda te 8:00 p.m., proveendo asina un otro fuente di turismo pa negoshinan local.

Den e caso aki a mira tambe con condicionnan di clima por trece efecto den nos mercado di turismo, unda barconan ta keda cu e unico opcion pa cambia ruta.

E temporada aki tambe ta conoci pa ta high season pa cruceronan.

E strobacionnan di e ultimo lunanan ta sirbi como un recordatorio con cerca Aruba su conectividad ta depende riba clima. Hasta cu un clima constante cu minimo yobida henter e aña, clima miles di kilometer leu por trece efecto toch na nos isla, impactando nos sector mas importante.



VDA na IPKO: Resiliencia como clave den seguridad di Reino Hulandes

E Strategia di Seguridad di Reino Hulandes pa 2023-2029 ta pone un cuadro amplio pa atende tanto menasanan intencional como no intencional den tur cuater pais constituyente. Durante e Interparlementair Koninkrijksoverleg (IPKO) 2026 cu a tuma luga recientemente na Aruba, e delegacionnan a ricibi un presentacion di Veiligheidsdienst Aruba (VDA) tocante conscientisacion di seguridad cibernetico cu ta subraya e Strategia di Seguridad di Reino Hulandes y e necesidad pa fortalece resiliencia den un “grey zone” creciente entre paz y guerra, caminda atakenan cibernetico ta aumentando.

Desaroya cu input di Aruba, Corsou, Sint Maarten y Hulanda, e strategia ta adopta loke mandatarionan ta describi manera un acercamento di “all hazard”, encerando tanto riesgo di seguridad como seguridad. Mientras cu e strategia ta den alcance di henter Reino, responsabilidad pa seguridad nacional ta keda na cada pais individual.

Juri Nicolaas, Director VDA, y Marylin Spagnol-De Kort, Hefe di Seguridad di Informacion Interino VDA, a enfatisa cu e strategia ta brinda direccion pa con paisnan dentro di Reino mester fortifica seguridad nacional, teniendo na cuenta e naturalesa interconecta di menasanan moderno. Na mesun momento, nan a enfatisa cu capacidadnan, cuadro legal, experticio y recursonan disponibel ta diferencia significativamente entre e paisnan. E diferencianan aki por resulta den nivelnan desigual di resiliencia, un factor cu ta ser considera critico pa evalua e preparacion general di Reino.

E division di responsabilidadnan ta crea un complejidad structural. Seguridad nacional ta principalmente un responsabilidad na nivel di pais, pero toch componen tenan nucleo manera defensa y politica exterior ta cay bao di asuntonan di Reino. Di acuerdo cu oficialnan, e areglo aki no ta crea tension pero ta presenta retonan continuo den coordinacion, particularmente ora ta responde na paisahenan di menasa evolucionando cu ta crusa hurisdiccionnan.

En bes di enfoca solamente riba e menasanan mes, VDA a enfatisa e importancia di fortalece resiliencia. Mientras cu gobiernonan no semper por influencia menasanan externo, nan por influencia preparacion, direccion di politica y capacidad institucional. Cooperacion dentro di Reino a ser describi como esencial, aunke no semper simple mirando interesnan nacional y sistemanan administrativo diferente.

Un tema central di e discusion tabata e prevalencia creciente di e asina yama menasanan di “grey zone” — accionnan cu ta cay entre paz y conflicto habri. Hopi biaha e actividadnan aki ta diseña pa keda bao di e drempel di guerra formal mientras cu ainda ta eherce presion strategico of ta causa interrupcion structural.

Desaroyonan mundial recien a ser cita manera ehempel di e tendencia aki. A observa barconan di inteligencia Ruso ta opera cerca di datonan vital bao di lama y kabelnan di energia den Lama Baltico y Noord, y mas y mas den e region di Caribe. Mientras tanto, analistanan ta referi frecuentemente na Lama Sur di China como un estudio di caso di hopi tempo den actividad di “grey zone” maritimo, caminda disputanan di soberania, posicionamento strategico y retonan pa derecho internacional ta desaroya sin confrontacion militar directo.

Aunke geograficamente leu, VDA a señala cu dinamica similar ta mas y mas visibel den e Hemisferio Occidental. Latino America y Caribe ta experimentando presionnan relaciona cu soberania a traves di mecanismonan manera licencia di azeta den lama den awanan cu ta den disputa, flotanar di pesca industrial cu ta opera bao di banderanan stranhero, y proyectonan di infraestructura cu ta oscurece e liña entre iniciativanan di desaroyo y influencia strategico. For di e costa di Guyana te na hafnan na Peru y facilidatnan espacial na Argentina, e region ta ser describi manera enfrentando un “prueba trankil di resiliencia.”

Den e di dos mitar di 2025, Lama Caribe a presencia un aumento militar sin precedente di Merca. Declaracionnan publico tocante control potencial di e Canal di

Panama, comercio y produccion di azeta na Venezuela, y blokeonan di Cuba a contribui na percepcionnan di seguridad geopolitico aumenta den e region. Observadornan a caracteriza e desaroyo aki como un aplicacion renoba y intensificacion di doctrinan an strategico di hopi tempo.

Conflicto hibrido, un característica definitivo di actividad di “grey zone”, ta desaroya mas y mas den e dominio digital. Menasanan cibernetico den particular a keda subraya como estructuralmente disruptivo pero hopi biaha menos visibel cu incidentenan di seguridad tradicional. Contrario na guerra convencional, menasanan hibrido tipicamente ta falta un enemigo cla defini of un momento di crisis singular. En bes di esey, nan ta encera minamento gradual y sosteni di sistema, institucionnan of confiansa publico.

Pa paisnan mas chikito dentro di Reino, incluyendo Aruba, a reconoce e realidad di influencia limita riba desaroyonan mundial. Sin embargo, VDA a enfatisa cu paisnan ta mantene control riba nan escogencianan di politica, prioridatnan strategico y inversionnan den resiliencia. Desaroyo di strategia proactivo, trahamento di politica cla y conscientisacion publico a ser identifica como componen tenan esencial di preparacion. Sin e medidanan aki, gobiernonan ta core riesgo di bira reactivo y opera for di un posicion di incertidumbre.

Seguridad cibernetico a surgi como un di e retonan transversal mas urgente. Menasanan digital awor ta afecta no solamente seguridad di estado pero tambe estabilidad economico, infraestructura critico y bida priva di ciudadanonan. Asuntonan manera proteccion di dato y derechonan di privacidad ta mas y mas vincula cu consideracionnan di seguridad nacional. Como resultado, seguridad cibernetico no ta ser trata mas manera un tereno tecnico separa pero manera un elemento integral di e politica di seguridad en general.

VDA a enfatisa cu menasanan cibernetico ta inherentemente sin frontera. Un ehempel menciona tabata e herment di ransomware conoci manera “Chillon,” cu a ser usa globalmente pa gruponan criminal, hacker-



nan malicioso y actornan estatal pa stroba operacionnan. E software ta permiti agresor pa cera archivo, para proceso di negoshi y exige pago di rescate. Si e victimanan nenga of no paga, datonan sensitivo por ser publica online of ben- di riba e ‘dark web’.

Ransomware Chillon, segun informe, a ser usa den atakenan cibernetico aña pasa den tres pais autonomo dentro di Reino: Hulanda, Aruba y Corsou. Den cada caso, e agresornan tabata exitoso den stroba operacion. Por lo menos cuater incidente cibernetico similar a dirigi riba diferente pais dentro di Reino. Den tres di e casonan ey, no tabata posibel ainda pa descifra e archivonan afecta, lagando victimanan cu e escogencia dificil di paga criminalnan sin garantia of perde nan datonan si backup adecua no ta disponibel.

Fuera di ransomware, spionaje cibernetico y hacking tambe a ser identifica como preocupacionnan significante. Actornan liga na estado di Rusia, China y Corea di Nort tabata activo den varios region, incluyendo Caribe. Di acuerdo cu VDA, un cooperacion mas estrecho dentro di Reino por mehora comprendemento di e tacticanan di e actornan aki y yuda mitiga atakenan den futuro.

Compartimento di informacion a ser enfatisa ripitidamente manera un herment critico. Door di intercambia detayenan tecnico tocante incidentenan cibernetico, paisnan dentro di Reino por fortalece defensanan colectivo y proteha miho servicionan vital y esencial. E servicionan aki ta inclui dunadornan di energia, institutonan di cuido di salud y otro infraestructura

cu nan interrupcion por tin consecucionan social inmediato. Un ehempel recien na Londres, caminda atakenan di ransomware a obliga hospitalnan pa pospone operacionnan, a ser cita manera un recordatorio di e impacto humano tangibel di incidentenan cibernetico.

Na mesun momento, obstaculonan structural ta complica contesta efectivo. Limitacion di recurso y capacidad limita ta afecta tur pais dentro di Reino den diferente grado. Adicionalmente, “berguensa cibernetico” — retencion entre organisacion y individuanan pa informa incidentenan — por stroba transparencia y mitigacion na tempo. Departamento of gruponan institucional isola dentro di paisnan tambe por stroba coordinacion entre instancianan responsabel pa diferente aspecto di seguridad.

VDA a conclui cu retonan comparti ta rekeri solucionnan comparti. Mientras cu responsabilidadnan nacional ta keda distinto, e naturalesa interconecta di menasanan moderno mester di colaboracion sosteni. Construcion di un Reino resiliente, nan a argumenta, ta depende di reconoce diferencianan den capacidad mientras ta compromete na cooperacion, intercambio di informacion y prevision strategico.

Segun cu competencia geopolitico ta intensifica y menasanan digital ta sigui desaroya, e Strategia di Seguridad di Reino ta busca pa provee un cuadro pa nabega un paisahe cu ta ser defini cada bes mas no pa liñanan cla entre guerra y paz, pero pa presionnan persistente y compleho den e “grey zone”.

Entrega di concepto di ley a cay na un nivel sin precedente, RvA a señala den su Jaarverslag 2025

Raad van Advies (RvA) a publica su Jaarverslag 2025, un relato anual amplio di un año cu a combina reflexion institucional cu debate nacional intenso riba finanzas publico y futuro di supervision presupuestario. E relato anual ta pinta un imagen detaya di un organo di conseho cu ta nabega tanto actividad legislativo historicamente abou como preguntanan constitucional di gran alcance.

Den su prefacio, presidente di RvA, David Kock ta describi 2025 como “historico” den mas cu un sentido. El a remarca cu e tabata un año den cual e volumen di concepto di legislacion entrega pa conseho a cay na un nivel abou sin precedente. Mientras cu na 2015 e Consejo a atende 53 proposicion di concepto, e entrada na 2025 a suma na solamente 24, incluyendo ocho ley di presupuesto. E tendencia di bahada, visibel den añanan recien, a alcanza su punto mas abou den e año di reportahe.

Segun RvA, e entrada reduci aki mester ser mira cu cautela. Mientras cu menos concepto di ley por sugeri estabilidad, e por señala tambe stagnacion den areanan caminda reforma a ser anuncia pa hopi tempo. E Consejo a muestra riba varios proyecto legislativo cu a ser cualifica manera prioridad pa años pero cu ainda no a concretisa den forma di conceptionan concreto di ley entrega na Raad van Advies. Entre esakinan ta e modernizacion di legislacion di privacidad, reformanan den educacion y ley laboral, y e cuadro di gobernacion corporativo.

Tambe den e relato anual ta resalta leynan cu a completa e proceso legislativo pero cu su ehecucion a tarda, den algun caso pa años of hasta decadanan. Ehempelnan ta inclui e Landsverordening algemene bepalingen bestuursrecht y Landsverordening penitenciaire beginselen. E tipo di retrasonan aki, e Consejo ta señala, ta lanta preocupacionnan mas amplio tocante e efectividad di e proceso legislativo y credibilidad di gobernacion.

Den e curason di e relato anual di 2025 tin un reflexion tematico extenso riba supervision presupuestario, enfocando en particular riba e proposicion di Rijkswet Houdbare Overheidsfinanciën Aruba (HOFA) y e concepto di legislacion nacional cu ta acompaña. Poco asunto, e Consejo ta observa, a domina debate publico y politico mesun hopi cu e pregunta di con pa sigura finanzas publico sostenibel.

E discusion ta surgi den parti for di e Bestuurlijk Akkoord firma na juni 2024 entre Aruba y Hulanda. E acuerdo ey a fiha compromisonan pa incorpora normanan fiscal y supervision financiero den un Ley di Reino, mientras cu ta baha temporalmente e



tasa di interes riba e prestamonan di COVID-19 di Aruba. Bou di e acuerdo, Aruba a bay di acuerdo pa coopera den establece un cuadro nobo pa finanzas publico sostenibel, cu e supervision financiero cu mester ser hancra den legislacion na nivel di Reino.

Sinembargo, a pesar di e deadlinenan anterior, e concepto di Ley di Reino no a ser entrega na RvA pa conseho formal pa fin di 2025. E Consejo ta subraya cu, como e organo di conseho mas haltu y final pa tanto gobierno como Parlamento, ainda e no tabata den un posicion pa emiti su opinion oficial riba e textonan final. Sinembargo, mirando e intensidad di e debate y e implicacionnan institucional potencial, e relato anual ta delinea e perspectiva di e Consejo riba un di e proposicionnan central: e creacion di un Begrotingskamer dentro di Raad van Advies.

E idea di supervision presupuestario dentro di Raad van Advies no ta nobo. Na 2019 RvA a emiti conseho riba e condicionnan bou di cual un camber di presupuesto asina lo por ser estableci. E tempo ey, e Consejo a enfatisa e necesidad pa un compromiso politico cla, capacidad adecua y preparacion legislativo cuidadoso. Tambe a recomenda amiendanan na Constitucion pa permiti nombraimiento di miembronan extraordinario y pa fortalece e cuadro institucional pa cualkier tarea amplia.

E relato di 2025 ta indica cu no ta tur e recomendacionnan aki a ser implementa. RvA ta reitera su preocupacion cu asignacion di responsabilidnan di supervision extenso na e Consejo lo por afecta su rol constitucional como consehero legislativo independiente. E tarea primordial di e RvA, manera poni den Constitucion di Aruba, ta pa duna conseho riba concepto di legislacion. E ta un di e Alto Consonan di Estado, banda di Parlamento y Algemene Rekenkamer Aruba (ARA), y ta diseña pa funciona independiente di tanto gobierno como Parlamento.

E relato anual ta enfatisa cu supervision financiero mester ser conduci na un manera cu ta conserva independencia institucional y confiansa publico. E confiansa bou di actornan domestico, partnernan di Reino, institucionnan internacional manera IMF, y instancianan di evaluacion di credito ta depende di e percepcion di supervision imparcial y profesional. P'esey e Consejo ta urgi pa considera modelonan alternativo cuidadoso. Un di e alternativanan aki lo encera un reparticion di responsabilidnan entre RvA y ARA, en bes di lantamento di un organo completamente nobo of un concentracion pisa di tareanan di supervision dentro di e Consejo.

E relato anual ta delinea un posibel enfoke den cual RvA lo sigui evalua cumplimiento cu normanan fiscal durante e fase legislativo, mientras cu ARA lo evalua adhesion na e normanan ey a base di cuentanan financiero anual. Un modelo asina, e Consejo ta argumenta, por fortalece supervision sin compromete e funcion di conseho cu ta sinta na e curason di su mandato constitucional.

Fuera di e debate fiscal, e relato anual ta ofrece un bista detaya di e estructura, actividadnan y rindimento di e Consejo na 2025.

E Wetenschappelijk Bureau, cu ta sostiene e trabou di RvA, ta ser describi como un organisacion chikito pero altamente specialisa. E miembronan di personal di e Oficina a participa den varios actividad di desaroyo profesional durante año, incluyendo cursonan den derecho corporativo, derecho administrativo, derecho priva internacional y proteccion di dato, y tambe un master class riba derechonan humano. E rapport ta enfatisa e importancia di inverti den capital humano pa mantene e calidad y continuidad di trabou di conseho.

Pa loke ta trata output, e Consejo a ricibi 26 peticion pa conseho na 2025, incluyendo conceptionan di ley, proposicionnan amienda y un concepto di Ley di Reino. Di esaki-

nan, 21 a keda finalisa dentro di año, mientras cu 5 a ser pasa pa 2026. E tempo promedio pa conseho tabata 31 dia. Proposicionnan di concepto ta ser categorisa pa complejidad, cu terminonan di conseho maximo correspondiente di un luna pa conceptionan simpel, dos luna pa esnan di complejidad promedio y tres luna pa proposicionnan mas compleho.

Entre e conceptionan di ley cu a ser revisa na 2025 tabatin e Landsbegroting 2026, amiendanan na legislacion di belasting relaciona cu e Standard di Reportahe Comun, cambianan na e Landsverordening instelling ministeries despues di formacion di un gabinete nobo, y e concepto di ley cu ta establece un fondo nacional di inversion y desaroyo. E opinionnan di e Consejo tabata varia di completamente sostenibel te na mas critico cu ta recomenda pa cierto proposicionnan no ser entrega na e Parlamento te ora cu e asuntunan identifica ser atendi.

Financieramente RvA a opera riba un presupuesto di Afl. 1.971.800 na 2025 y a registra gastonan real di Afl. 1.556.534. E institucion tabata emplea cinco miembro di personal den su oficina, ademas di su cinco miembronan di Consejo.

E año tambe a inclui un rango di compromisonan externo. E Consejo a tene consulta cu Gobernador, a reuni varios biaha cu College Aruba Financieel Toezicht (CAft), a conferi cu Algemene Rekenkamer Aruba, y tabata anfitrión di un consulta cu un delegacion di Fondo Monetario Internacional (IMF). Na april 2025, el a emiti conseho no solicita tocante e establecimiento di fondonan di presupuesto, presentando e conseho aki na prome minister y minister di Finanzas.

Segun cu Aruba ta celebra e di 40 aniversario di su Status Aparte, RvA ta boga pa reflexiona riba e forsa di estado di derecho y garantianan democratico. Despues di cuatro decada como pais autonomo dentro di Reino, no por considera Aruba mas como un orden constitucional “hoben”, e relato anual ta sugeri. E Consejo ta enfatisa cu e año di aniversario ta ofrece un oportunidad pa evalua si institutonan democratico ta suficiente hancra y si ta mantene e balansa entre independencia, responsabilidad y gobernacion efectivo.

E relato anual 2025 ta presenta asina mas cu un bista estadistico di actividad di conseho. E ta situa Raad van Advies dentro di e panorama constitucional mas amplio, ta atende un di e debatenan politico mas urgente di año, y ta refleha riba e escogencianan institucional cu lo forma e futuro financiero y democratico di Aruba.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Dilma Arends
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.


Comunidad indigna pa exigencia di castigo den Caso Caret

Dialuna 23 di februari a tuma luga e di dos y ultimo sesion di tratamiento di caso Caret, cu ta draai rond di dos agente policial, M. Violenes y R. Dirksz, ken a tira e hoben Ayden Lanoy di 19 aña mata dia 9 di februari 2025. Comunidad a sigui di cerca e caso y na mas di un ocasion ciudadanonan a vocifera nan deseo pa husticia den e caso aki. Pero exigencia di castigo di Ministerio Publico (OM) a shock tur hende y a ocasiona un ola di malcontento enorme den henter comunidad.

Un politico cu a reacciona a traves di su pagina di Facebook riba e exigencia di OM tabata Miguel Mansur. "Inaceptabel! Trabao di polis no ta facil y mi ta agradecido pa e orden y seguridad cu nan ta brinda. Sinembargo, cu dos agente ta los 18+ tiro y mata un hoben pa kisas no obedece instruccion di trafico ta nada menos cu homicidio," el a enfatisa.

Mansur a indica den su publicacion cu e hecho cu fiscal ta pidi 12 luna ta manda un señal cu esnan encarga pa proteha y sirbi tin inmunidad di responsabilidad pa nan accionnan. "Sea ta Ayden of e pashent psiquiatrico cu a ser mata na Pos Abou recientemente pa agentenan policial, esnan encarga cu proteha y sirbi mester ser teni mas of sikiera mes responsabel cu cualkier otro ciudadano," el a subraya.

El a agrega cu OM a perde e oportunidad pa manda un señal claro cu abuso di poder pa agentenan policial no lo ser tolera y alabes a remarca cu a faya e mesun KPA, riba cual henter comunidad ta depende pa seguridad, di muestra cu "webonan putri den un organisacion lo ser teni mes of mas responsabel cu cualkier otro ciudadano."



El a señala cu e hecho cu niun dia e dos sospechosonan a ser deteni pa interrogacion ta otro muestra di e falta di trato igual na man di OM. "Esaki lo disminui confiansa den Ministerio Publico mas ainda – tempo pa reorganizacion," el a bisa.

E caso, cu a hala atencion di publico durante e ultimo lunanan, a lanta un debate intenso riba henter e isla tocante responsabilisacion, confiansa den cuerpo policial, y e implicacionnan mas amplio pa husticia na Aruba.

E reaccion den comunidad tabata di indignacion y profundamente emocional. Riba rednan social residentenan a expresa nan frustracion pa loke ta trata e caso. Hopi a enfatisa e importancia di

aplicacion igual di e ley subrayando cu ningun hende mester ta riba ley. Mientras cu otronan a expresa nan disgusto grandemente pa con e sistema hudicial ta funciona na Aruba.

Caso Caret a bira mas cu djis un asunto di sala di corte; el a evolucionar den un reflexion mas amplio riba e relacion entre comunidad y esnan encarga cu ehecutcion di ley. Aruba, como un isla y un comunidad chikito, hopi biaha ta experiencia casonan huridico di perfil halto na un manera particularmente personal. Y debi na e tamaño di e isla, hopi hende conoce personalmente individuonan envolvi, sea directamente of indirectamente, loke por intensifica reaccion di publico.

Den e caso aki, comunidad completo a biba e dolor di un mama, un tata, pareha, famia y amigonan cu a perde nan familiar hoben na un forma asina cruel.

Pa famianan di e victima, e hoben Lanoy, e exigencia di castigo tabata manera un baño di awa friu y no por a kere cu e personanan cu a mata nan yiu, ruman, pareha, nieto, sobrino y amigo, tin e posibilidad di ni sikiera bay prison, mientras nan si tin cu carga un sufrimento cu nun-

ca lo termina pa accionnan di e mesun dos persona aki.

Hopi residente ta mira e caso aki como uno definitivo pa e sistema di husticia di Aruba. E manera cu e caso ta ser maneha, y sobretodo e sentencia final por tin efectonan duradero riba confiansa publico. Pa comunidad e caso ta tocante mas cu dos ser humano, e ta tocante demostra cu e sistema hudicial ta traha manera mester ta, specialmente ora tur wowo ta riba nan.

E proximo simannan lo keda carga cu anticipacion mientras e isla ta warda e decision di corte. Sin importa e resultado, miembronan di comunidad ta uni den un aspecto: e deseo pa claridad y husticia.

Pa awor, e isla ta vigila y warda, sperando cu e proceso legal lo brinda resolucion y renforsa e balornan di responsabilisacion, husticia, y respet pa e estado di derecho cu ta sostene e sociedad Arubano

Fiscal a delinea su posicion y a detaya e castigo cu e ta kere ta hustifica, pero manera ta norma den casonan penal, e exigencia di castigo ta representa e evaluacion y recomendacion di e fiscal; e decision final awor ta den man di hues.



Prome ministernan di islanan CAS ta discuti colaboracion den Reino cu Secretario di Estado Van der Burg

Gobierno di Aruba a informa mediante un comunicado di prensa cu ayera a tuma lugar un video yamada, cu tabata pa haci un introduccion y 'kennis-making' entre Secretario di Estado Eric van der Burg (VVD) y e tres minister president di Aruba, Corsou y Sint Maarten.


Secretario di Estado Eric van der Burg ta un politico Hulandes cu a ocupa diferente posicion den gobierno nacional y municipal. El a sirbi anteriormente como Secretario di Estado den Reino Hulandes. For di 2022 te 2024 el a



ocupa e posicion di Secretario di Estado pa Husticia y Seguridad, responsabel pa Asilo y Migracion.

Segun e comunicado, du-

rante e encuentro virtual e lidernan a intercambia punto di bista riba colaboracion den marco di Reino, reto comun y oportunidad pa fortalece cooperacion entre e paisnan.



"E tono di e reunion tabata constructivo y enfoca riba dialogo continuo y respet mutuo entre e partnernan di Reino," comunicado a indica.

"Intencion ta pa pronto tin un encuentro personalmente y asina continua riba trabounan en conhuntito."

Evelyn Wever-Croes (MEP):

"Pleito entre AVP y Futuro ta laga Aruba sin voz na Hulanda"

Lider di Fraccion MEP, Evelyn Wever-Croes ta hopi preocupado pasobra Aruba no tin un Minister Plenipotenciario (GevMin) na Hulanda. Mientras AVP y Futuro ta bringa cu otro pa poder, nos pais ta keda sin un persona cu mester defende nos den cura di Reino.

Un obligacion, no un opcion

Wever-Croes ta splica cu Statuut, e ley di mas halto di nos pais, ta obliga Gobierno pa tin un Minister na Hulanda. No ta un cos cu nan por dicidi si nan kier of no; nan mester tin e. Te hasta e hefe di Raad van State di Hu-

landa mes a bin Aruba y bisa Parlamento cu esaki ta hopi importante.

"Gobierno ta manda diferente minister tur luna djis pa un reunion, pero esey no ta e trabao. Un GevMin mester t'ey tur dia pa lobby y vigila nos interesnan. Mandando un diferente persona cada bes, bo no ta cubri nada y bo ta laga Aruba debil," Wever-Croes a duna di conoce.

Pleito den coalicion

E motibo pakico no tin un GevMin ta e falta di union den e Gobierno aki. Na december, AVP a presenta un mocion contra su mesun partner, Futuro, pa purba forsa nan pa nombra un hende.

E pleito aki tabata visibel den Parlamento: prome Futuro a vota contra, y despues bao di presion nan a vota na favor.

"A pasa dos luna caba y nada no a cambia. Aki bo ta mira cu e ministernan ta mas ocupa cu nan pleitonan interno cu cu e bienestar di Aruba. Nan no por bini hunto pa dicidi riba un nomber, y e unico cu ta paga e prijs ta pueblo," e lider di MEP a enfatisa.

Consecuencia pa Aruba

Pa Evelyn Wever-Croes, e situacion aki ta serio. "E fricion entre AVP y Futuro ta perhudica nos tur. Mientras nan ta bringa, nos interesnan na Hulanda ta keda na peliger. Mi ta spera cu Gobierno



stop di hunga politica den cura y cuminsa goberna cu responsabilidad, nombrando un GevMin pronto prome cu e dano pa Aruba bira mas

grandi."

Nota di redaccion: E articulo aki ta opinion di e autor y no ta representa opinion di Bon Dia Aruba.

Trabaonan di saneamento di Dump di Parkietenbos lo inicia e aña aki

Recientemente, Minister di Husticia, Integracion, Transporte Publico y Energia, mr. drs. Arthur Dowers (AVP) a ricibi e resultado di estudionan

tecnico haci door di Witteveen & Bos riba e situacion di dump di Parkietenbos. E investigacion ta confirma cu tin tres punto di prioridad cu ta rekeri atencion inmediato y structural.

E prome punto di preocupacion ta e inclinacion na parti zuid di dump cu ta pega na lama y cu ta demasiado halto. Como consecuencia di esaki, desperdicio ta bay den lama, creando un riesgo ambiental serio y un situacion cu no por sigui ignora. E situacion aki ta rekeri intervencion tecnico urgente pa preveni mas dano y pa proteha e ecosistema den e area.

E di dos punto ta e fenomeno

di asina yama "smouldering waste", caminda desperdicio, aunke no tin candela visibel, ta kima bao tera durante tempo largo. Actualmente tin 16 area identifica cu e situacion aki y ocasionalmente e sushi riba tera por pega candela, causando molester grandi na e habitantenan di e bario. E problema aki no solamente ta crea molester pa e habitantenan, sino ta representa un riesgo pa salubridad publico y siguridad.

E tercer punto di preocupacion ta e deposito di asbest riba e tereno. E material aki ta rekeri un maneho specialisa y costoso pa garantisa cu ta keda seya y controla sin forma riesgo pa medio ambiente

ni pa salud publico. Mester di un plan serio y tecnico pa maneha e situacion di manera responsabel.

Pa Minister Dowers, ta inaceptabel pa ignora e situacion di Parkietenbos, segun un comunicado di gobierno.

Den su vision pa e futuro di e area, Minister Dowers ta contempla un transformacion completo di e dump den un area cu mata nativo. E plan ta enfoca riba saneamento di e tereno, rehabilitacion ambiental y mehora e estetico di e area. Un area natural lo no solamente elimina e molester cu a afecta e bario durante hopi aña, pero tambe lo crea un espacio berde cu por contribui na bienestar general.

ONDERCURATELESTELLING

Bij beschikking van het Gerecht in Eerste Aanleg van Aruba d.d. 23 februari 2026 is de ondercuratelestelling van:

Ellen Bridget ROOS, geboren op 19 april 1943, uitgesproken met als curator benoemd Edward DE VEER, geboren op 28 september 1942.

De advocaat, mr. A.I.N. Fraser.



Cuminsando cu 4 florin, bo por gana e suma grandi aki

Afl. 200.000,-

Obtenibel na cualkier rebendado di Lotto.

sorteo ta awe nochi 7:45 pm



HUNGA AWO



15 estado ta demanda administracion di Trump riba politica di vacuna pa mucha

(AFP)—Dies cinco estado cu ta ser dirigi pa Democratanan a anuncia diamars cu nan ta demandando e administracion di presidente Donald Trump despues di reduccion den cantidad di vacuna pediatrico recomenda, cual nan ta critica como contradiciendo ciencia.

E reforma, anuncia na januari pa e Departamento di Salud y Servicionan Humano di Merca, dirigi pa skeptico di vacuna Robert F. Kennedy Jr., ta nifica cu e pais no ta recomenda mas pa tur mucha ricibi inmunisacion contra varios enfermedad, incluyendo rotavirus, influenza y Covid-19.

En vez di esey, e siete vacunan en cuestion awor ta ser recomenda solamente pa muchanan cu ta na riesgo particular, un movimiento cu



ta cambia años di recomendacion respalda pa evidencia científico cu a reduci enfermedad via vacuna rutinario.

“Secretario RFK Jr. y su CDC (Centers for Disease Control and Prevention) ta ignora decadas di investigacion científico, no ta tuma serio expertonan medico credibile y ta menasa pone presion riba recursonan estatal

y haci muchanan di Merca mas malo,” Fiscal General di California Rob Bonta, ken ta liderando e demanda hunto cu su equivalente di Arizona, a bisa durante un conferencia di prensa.

Kennedy ta ser nombra como acusado, hunto cu CDC y e Departamento di Salud y Servicionan Humano.

E otro vacunan cu a perde nan status di recomendacion universal ta esnan contra hepatitis A, enfermedad meningitis, e virus respiratorio sincitial (RSV) y e virus di hepatitis B altamente contagioso.

Reorientacion di Washington riba e calendario di vacuna pa mucha a crea preocupacion den comunidad medico. E administracion di Trump a hustifica su accion luna pasa bisando cu e tabata alineando politica di vacuna di Merca mas cu esnan di otro pais, citando Dinamarca como ehempel.

Algun experto di salud ta nota cu Dinamarca ta un pais chikito y homogeno cu un prevalencia abao di enfermedad y un sistema di salud centralisa cu ta garantisa acceso universal na atencion medico.

Tal condicion no ta aplica na Merca, unda e sistema di salud mayormente priva no ta mesun abarcador manera den Noord Europa y a ta laga miyones di Mericanonan sin seguro medico.

“Copia e calendario di vacuna di Dinamarca sin copia e sistema di salud di Dinamarca no ta duna famianan mas opcion—e simplemente ta laga muchanan sin proteccion contra enfermedadnan serio,” Fiscal General di Arizona Kris Mayes a bisa na e conferencia di prensa.

Skepticismo riba vacuna a surgi na Merca desde cu Trump a bolbe e presidencia 13 luna pasa.

Tasa di vacunacion a baha desde e pandemia di Covid, creando temor di un regreso di enfermedad mortal y contagioso manera sarampi.

Ginecologo Australiano acusa di haci operacion innecesario riba hende muher

(AFP)—Un ginecologo Australiano a ser referi na polis diamars despues di alegacionnan den media cu el a haci operacion innecesario riba hende muher, incluyendo retiro di organonan.

Varios pashent di ciruhano na Melbourne Simon Gordon a bisa emisora publico ABC cu el a haci operacion riba nan pa endometriosis severo aunke tin poco of ningun evidencia cu nan tabatin e enfermedad.

Algun di nan a keda cu dolor pa lunas of años despues di e procedemento.

Endometriosis ta un enfermedad cronico den cual tehidro similar na e revestimento di utero ta crece pafor di e matriz.

Un muher a haya su ovarionan y su utero kita pa e ciruhano, pero resultado di patologia a muestra mayormente ningun señal di e enferme-



dad, segun e emisora.

Un ciruhano senior a bisa ABC cu un muestra a indica un “cantidad insignificante di posible endometriosis” den e pashent y cu no tabatin hustificacion pa kita su ovarionan.

Un otro muher a bisa cu e ciruhano a diagnostik’e cu endometriosis y a opera aunke resultado di patologia anterior a muestra ningun señal di e enfermedad.

Seis año despues di operacion, e no por cana cinco minuut sin dolor.

“Mi casi no tin e calidad di bida cu loke mi tabatin prome,” a cit’e bisando.

Gordon a nenga cualkier mal conducta, bisando ABC cu e nunca a haci operacion pa endometriosis “al menos cu mi tabata completamente convenci cu tabata den mihor interes di e pashent.”

AFP a contacta e ciruhano recientemente retira pa su reaccion riba e reportahe.

Prome Minister di Victoria Jacinta Allan a bisa cu e tabata “disgusta” pa e alegacionnan y cu el a referi nan na polis.

“Haci operacion innecesario ta un delito, kita organonan di un muher sin necesidad clinico ta un delito y yuda den tal conducta tambe ta un delito,” el a bisa den un declaracion.

Polis di Victoria a bisa cu nan ta “evaluando informacion” despues di ser referi.

ABC a bisa cu kehonan contra e doctor a ser presenta pa pashent y cliniconan durante cinco año na e Agencia di Regulacion di Profesionalnan di Salud di Australia.

Prome Minister di Victoria a bisa cu e regulador mester tuma e kehonan serio y investiga den un “manera oportuno.”

“Si esaki no pasa den e caso aki, nan mester splica pakico y sigura cu e no ta pasa atrobe.”

Regulador Australiano a bisa den un declaracion cu e ta reconoce e angustia di e pashent y cu e ta “activamente revisando nos metodologia general pa evalua y revisa e tipo di casonan aki.”

Investigacion ta expone Corsou su rol mas amplio den labamento di oro Venezolano den mercado global

(CuraçaoChronicle) - Un investigacion internacional tocante e mercado di oro Venezolano ta revela Corsou cu Corsou su rol a bay mas leu cu ta un punto di transito logistico.

Segun e resultado, e isla a hunga un rol clave den documentacion, ruta financiero, clasificacion regulatorio y respuesta di politica atrasa, permitiendo oro conecta na destruccion ambiental y rednan criminal na Venezuela drenta e economia global.

E investigacion ta demostra cu companianan operando via Corsou tabata instrumental no solamente den manda oro pa Europa, sino tambe den genera invoice, certificado y documentonan di exportacion cu a yuda cambia Venezuela su oro y converti esaki den material legitimo. Pa medio di duna documentacion di entidadnan basa na Corsou, e origen di oro tabata efectivamente scondi prome cu el a yega e refinerianan den exterior, particularmente na Suecia. Esaki ta pone Corsou den e cadena administrativo y financiero cu a duna oro illicito un cobertura di legalidad. Un vulnerabilidad central cu e investigacion a trece dilanti ta e manera cu exportacion di oro for di Corsou tabata clasifica. Cantidadnan grandi di oro cu un nivel halto di pureza den varios ocasion tabata marca como mate-



rial recicla, un categoria cu tin rekisitonan internacional significantemente mas leve. Recordnan di comercio ta muestra cu Corsou a exporta miles di ton di oro durante un periodo unda e isla no tabatin actividad di minamento di su mes. Expertonan cita den e investigacion a nota cu e escala y calidad di e exportacionnan aki no por ta splica pa reciclahe legitimo so.

E oro mes a origina for di zonanan di minamento ilegal na Venezuela, particularmente Orinoco Mining Arc. E areanan aki ta ampliamente conecta na deforestacion severo, contaminacion di riunan cu mercurio, gruponan

arma, labor forsa y violencia contra comunidadnan Indigena. Mientras cu e abusanan aki no a tuma luga na Corsou, e investigacion ta conclui cu e isla a funciona como un brug critico cu a permiti e actividadnan aki drenta e adena di suministro internacional.

E reportahe tambe ta trece dilanti preguntanan tocante gobernacion y supervision riba e isla. Corsou solamente a impone un prohibicion riba importacion di oro Venezolano den 2019, despues di varios aña den cual volumennan sumamente grandi di oro a pasa via su wafnan y su zonanan di mercado liber. Investigadornan ta nota cu

e volumennan aki ta visible den estadistica di mercado internacional prome cu e prohibicion a keda implementa. Esaki a causa scrutinio si a ignora e señalnan, si capacidad di supervision no tabata suficiente of si sensitividadnan politico of economico relaciona cu e bisina Venezuela a atrasa accion decisivo.

Otro dimension cu continuacion di relevancia ta cumplimiento di sancion. Hopi di e mercado di oro a coincidi cu aumento di sancion internacional contra e estado Venezolano y individuonan cercano na e gobierno di Maduro. Pa medio di actua como un hurisdiccion intermediario

durante e periodo aki, a expone Corsou na daño na su reputacion y posible riesgonan di sancion secundario, preocupacionnan cu ta keda pertinente awendia mirando e isla su rol andando den wardamento di petroleo, carga y comercio regional conecta na Venezuela.

Ora tuma nan hunto, e investigacion ta sostene un patron mas amplio den cual Corsou su posicion strategico y economia habri ta haci atractivo pa rednan internacional busca punto debil den regulacion global. Dinamica similar anteriormente a surgi den reportahe tocante petroleo, cargamento, weganan di wega online y servicionan financiero. E caso di oro ta agrega otro ehempel di con lihe plannan criminal internacional of di evasion di sancion por explota buraconan regulatorio den hurisdiccionnan chikito pero globalmente conecta.

Mientras mercadonan global ta exige cada biaha mas transparencia y fuente etico, e resultadonan ta pone Corsou bao scrutinio internacional renoba. Tambe nan ta delinea e desafio cu autoridadnan local ta enfrente: fortalece supervision y aplicacion lo mas lihe posible pa proteha e isla su reputacion mientras ta mantene su rol como un punto regional di mercado y logistica.

PAR y MAN-PIN ta pidi reunion publico parlamentario urgente tocante situacion na ORV

(CuracaoChronicle) - E fraccionnan parlamentario di PAR y MAN-PIN a formalmente pidi un reunion urgente den parlamento di Corsou pa papia tocante loke nan ta describi como problemanan structural y legal na Institute for Law Enforcement and Security Services (ORV).

E peticion a keda entrega den un carta dia 20 di februari di 2026 na Presidente di Parlamento Fergino Brownbill.

Den e carta, e dos fraccion ta invoca artikel 64 di Reglement van Orde voor de Staten van Curaçao, cual ta permiti un reunion publico cu caracter urgente. Segun PAR y MAN-PIN, e reunion aki



ta necesario pa atende preocupacionnan andando tocante gobernacion, base legal

y funcion futuro di ORV.

E fraccion ta referi na un ora

di pregunta parlamentario cu a tuma luga dia 19 di februari 2026 cu minister di Husticia, durante cual a trece dilanti varios punto critico. Esaki ta inclui e fundeshi legal di ORV via su decreto di establecimiento, e status di educacion secundario profesional y reconocimiento di diploma di ORV y certificadonan, e posicion legal di empleadonan bao decreto nacional y Kingdom Police Act, e posibilidad di un periodo di transicion y riesgonan relaciona cu e instituto su continuidad operacional.

A pesar di e sesion aki, PAR y MAN-PIN a declara cu varios preocupacion, incertidumbre y inseguridad ta keda sin resolve. Nan ta argumenta cu e falta di claridad

completo despues di un ora formal di pregunta ta trece dilanti pregunta serio tocante gobernacion, control interno y responsabilidad ministerial.

Mirando loke nan ta describi como e gravedad di e situacion y e atencion publico extenso alrededor di ORV, e fraccionnan ta kere cu Parlamento mester debati tocante esaki den un reunion publico. Un sesion asina lo permiti publico provee mas splicacion tocante e problemanan structural cu ta afectando ORV y e instituto su futuro.

PAR y MAN-PIN ta conclui nan carta pa medio di urgi presidente di Parlamento yama un reunion lo mas pronto posible, enfatizando e urgencia di e topico.

SCP ta adverti cu promesanan di gobierno nobo ta dificil pa cumpli y por aumenta desigualdad

(NLTimes) - Gabinete Jetten I a haci varios promesa grandi den su acuerdo di coalicion cu lo ta dificil, si no imposibel, pa cumpli cune, Instituto Hulandes pa Investigacion Social (SCP) a bisa despues di a analisa e plan di D66, VVD, y CDA.

El a menciona promesanan riba cuido di salud y asilo, especificamente. E instituto tambe a adverti cu e recorte di presupuesto plania ta menasa di dal gruponan ya vulnerabel mas duro, loke ta conduci na un aumento di desigualdad.

Segun director di SCP, Karen van Oudenhoven, e acuerdo di coalicion ta muestra “e ambicion cla pa atende cu reto- nan social grandi.” E gobierno minoritario ta atende e preo- cupacionnan di ciudadanonan



cu financiamiento adicional pa seguridad, vivienda, economia y educacion. Pero e instituto a ripiti su advertencia cu no cumpli cu promesanan ta riesgoso na momento cu ya caba habitantenan di Hulanda tin masha poco confiansa den politica.

Den cuido di salud, e coalicion kier mitiga e consecuencianan di un deducibel di cuido di salud mas halto door di enfoca

riba “prevencion ta miho cu cura.” Gobierno nobo ta spera cu mas atencion na salud di mucha, encurasha ehercicio, y haci escogencianan saludabel financieramente atractivo lo nifica cu hende mester di me- nos cuido, of ningun. P’esey, nan lo no mester paga tur e deducibel mas halto.

SCP a bisa cu esaki “por ta efectivo riba termino largo,” pero “e ta ofrece un contesta

limita na problemanan cu ta surgi aki y awor.” E proble- lemanan urgente actual ta principalmente debi na e po- blacion cu ta embehece, cu ta aumentando rapidamente e demanda pa cuido di salud. Escogencianan mas saludabel lo no yuda cu esey riba ter- mino cortico.

E instituto tambe a lanta pre- ocupacion tocante e plannan di e gobierno nobo pa reduci e cantidad di solicitante di asilo, parcialmente door di implementa e Ley di Medi- danan di Emergencia di Asilo di e gobierno anterior. Segun SCP, e idea cu esaki lo yuda riba termino cortico tambe ta irealistico.

E coalicion nobo tampoco no a haci cla con e ta plania pa cumpli cu su promesa pa reduci migracion laboral cu salario abou.

SCP tambe a adverti cu e gobierno minoritario kizas no ta haciendo suficiente pa proteha gruponan vulnerabel den sociedad. “Medidanan relaciona cu cuido di salud, seguridad social, y traha mas largo, en particular, por au- menta desigualdad,” director Van Oudenhoven a bisa.

SCP a reconoce cu e plannan di coalicion ta duna sosten na esnan cronicamente malo y hendenan cu ta biba den po- bresa. Sinembargo, tin “aten- cion limita” pa e consecuen- cianan mas amplio di politica. Poco hende lo disputa cu e sistemanan di cuido di salud y seguridad social ta mucho compleho y mester di sim- plificacion, e instituto a bisa. Pero simplificacion hopi biaha ta conduci na yudansa cu ta menos dirigi na esnan cu mas mester di dje.

Hulanda considerando atrobe prohibicion di rednan social pa mucha bao 15 año

(NLTimes) - Alrededor di seis luna despues cu go- bierno Hulandes anterior a dicidi di urgi mayornan pa tene nan yiunan for di rednan social en bes di implementa un prohibi- cion, Gabinete Jetten I cu a caba di huramenta si a pone e opcion di un pro- hibicion back riba mesa. E acuerdo di coalicion D66, VVD y CDA ta bisa cu gobierno kier “un edad minimo di 15 pa rednan social,” NU.nl ta informa.

E pregunta ta cuanto sentido un prohibicion tin. Te ainda expertonan ta indeciso riba esaki, segun e corant.

Vivian den Blanken, experto den educacion di medionan di comunicacion na Institu- to Hubenil Hulanda, ta de- fende contra un prohibicion completo. “Nos kier proteha muchanan di efectonan da- ñino y imagennan pertur- bante,” el a bisa NU.nl. “Pero en bes di atende cu eseynan, nos ta kitando algo for di nan, y asina tambe e beneficianan di ta online.”

Freek Zwanenburg di Ofi- cina di Hubentud y Media ta haya cu gobierno mes- ter involvi hobennan mas den discusionnan tocante e

prohibicion aki. “Ta facil pa impone un prohibicion riba nan cabes,” el a bisa e corant. Hopi hoben ta na fabor di limita uso di rednan social di un manera of otro, el a bisa.

“Algun ta haya cu ta dificil pa stop. Otronan ta menciona e aspectonan positivo. Tur dos ta pida informacion valioso.”

Abogado di ICT Arnoud En- gelfriet ta mira hopi obsta- culo practico pa un prohibi- cion general, cu aplicacion e asunto di mas grandi. “No tin un infraestructura confia- bel pa proba cu un hende tin 15 año of mas. Plataforman- an ta usa diferente tecnica pa esaki. E no ta uniforme,” el a bisa e corant.

Un estudio recien di New- com a haya cu, impresion- antemente, sosten pa prohibi muchanan di usa rednan so- cial ta creciendo mas lihe bao di Gen Z, hendenan entre e edadnan di 16 y 28. E en- cuesta a haya cu 60% di Gen Z ta na fabor di un prohibi- cion.

Tambe e encuesta a constata cu casi mitar di e 14.6 miyon Hulandesnan cu ta activo riba rednan social ta kere cu e ta forma un riesgo pa nan salud mental.

MAS ORA DEDICA NA SIRBI BO MIHO

Nos ta hopi contento di por ofrece nos clientela mas acceso na asistencia bancario.

Diasabra awo nos lo habri nos NOORD BRANCH pa asina sirbi bo miho.

NOORD BRANCH

Diasabra 28 di februari, 2026 | 9:00 AM te cu 1:00 PM

Exclusivamente pa servicionan di prestamo y mantencion di cuenta, tarheta, PIN, cambia adres etc.

Sea ta pa conseho financiero personal of pa haci un pregunta, nos expertonan lo t'ey pa atende'bo.

No lo tin servicionan di cahero.

Ban topa pa nos combersa.

Si acaso bo kier haci un cita, por fabor tuma contacto cu nos.

(+297) 522-3000 Dialuna - Diabierna: 8AM-8PM • Diasabra: 8AM-1PM | cmbnv.com | [CMB News](#) | bobancoamigo@cmbnv.com

Peru: Cacho chikito ta bira e unico sobreviviente di accidente di helicopter cu a mata 15 persona

(AFP) – E unico sobreviviente di un accidente di helicopter den sur di Peru cu a mata 15 persona tabata un cacho chikito cu tabata pertenece na un coronel cu tabata entre e pasaheronan, un fuente di forsa aereo a bisa AAFP ayera.

Trahadornan di rescate a haya e cacho, color caramel, entre e restonan di e helicopter Mi-17 cu a crash diadomingo. E tabata drumi banda di curpa di su doño, coronel Javier Nole, 50, kende tabata abordo

cu su esposa y dos yiu muhe.

“E ta mascota di coronel Nole; e ta e unico sobreviviente,” e fuente, kende a solicita anonimato, a bisa AAFP.

Medionan local a reporta cu e cacho ta musta OK, pero como precaucion a ser hiba na un clinica veterinario.

Siete mucha tabata entre e 15 fatalidad na momento cu e helicopter fabrica na Rusia a crash den region Arequipa. E helicopter recientemente a keda desplega den operacionnan di rescate pa victima di inundacion eynan.



El a sali di ciudad di Pisco, den region Ica. Rescatistanan a localisa e sitio di e accidente dialuna tiki mas cu 300 meter

leu cerca di Chala Viejo, un pueblo cerca di costa Pacifico na Arequipa.

Forsa aereo a lansa un investigacion pa determina e causa di e accidente.

Ecuador: Homber arma den uniform estilo militar ta mata siete persona

(AFP) – Hombernan arma bisti den uniform estilo militar a mata siete persona dialuna den occidente di Ecuador, polis a bisa, mientras e pais ta sigui lucha cu violencia di droga.

Atakenan di individuonan bisti como soldad ta frecuente den e nacion Sur Americano, unda gangnan di traficacion di droga cu conexion cu cartelnan internacional ta bringando pa teritorio.

E masacre dialuna a tuma lugar na un rancho na Manabí, cu ta bao estado di emergencia – hunto cu ocho otro provincia – desde Januari.

Presidente Daniel Noboa a desplega ehercito den campananan anti-droga pero homicidio a keda aumenta, alcansando un record di 9.216

morto violento aña pasa.

E atake dialuna a sucede mainta trempan y “a laga siete persona morto di herida di bala,” polis a bisa.

Prome cu mata nan, e asesinonan a hiba e victimanan un patio, interroga nan, y despues a tira cu rifle y pistol. Entre e mortonan tabatin un mucha di 16 aña.

Ecuador a pasa di ta un di e paisnan mas safe den Latino America na un hub mayor di traficacion di cocaina den apenas algun aña, plaga pa gang cu lasonan cu cartelnan Mexicano y Colombiano. Su ubicacion strategico riba ocean Pacifico a hacie un via pa cocaina Colombiano y Peruano destina pa Merca y Europa.

Potret di Telesur.



Mexico: Presidente ta ofrece ‘garantia completo’ pa seguridad di weganan di Mundial na Guadalajara

(AFP) – Presidente Mexicano, Claudia Sheinbaum diamars a ofrece “garantia completo” pa seguridad di fanaticonan di futbol na weganan di Cup Mundial den e ciudad di Guadalajara, plaga cu violencia.

Sheinbaum a insisti cu “no tin riesgo” pa fanaticonan bishitando e ciudad na juni pa cuatro partido, den comentarionan yegando despues di un ola di violencia impulsa pa e asesinato di capo di droga, Nemesio “El Mencho” Osaguera na man di ehercito.



E lider di Cartel Jalisco Nueva Generacion (CJNG), un di e hombernan mas busca pa Mexico y Merca, a ser mata den un operacion militar como 130 kilometer leu di capital di estado Jalisco, Guadalajara, riba diadomingo.

E cartel a reacciona cu rabia, iniciando tiroteo cu forsanan di seguridad cu a laga decenas di morto na henter Mexico – tanto soldad como miembro di cartel – y a manda turista y residente huy y sconde.

Cuerpo gobernante di futbol mundial, FIFA, a nenga di duna comentario tocante e violencia.

Mientras tranquilidad ta bolbe, negoshinan na Jalisco tabata spera di habri back diamars, cu scol habriendo back diaranon.

Guadalajara ta un di tres ciudad Mexicano cu ta bay fungi como anfitrión di partido di Mundial, cu ta bay tuma lugar na Merca, Mexico y Canada.

Asamblea Legislativo ta aproba extension nobo di Estado di Emergencia na El Salvador

(Infobae) – Asamblea Legislativo di El Salvador ayera a aproba, cu 57 voto na favor y 1 contra, un extension nobo di 30 dia pa suspension di garantia constitucional bao di Estado di Emergencia. E medida aki, cu ta na vigor dede maart 2022, a ser presenta na pleno legislativo pa consideracion cu obhetivo pa garantiza seguridad, integridad fisico y moral, y salubridad di poblacion Salvadoreño, segun corespondencia oficial manda na e organo legislativo.

E propuesta, aproba unanimamente pa Consejo di Minister y presenta pa Minister di Seguridad Publico y Husticia, Hector Gustavo Villatoro, tin como meta mantene e condicionnan di seguridad cu a conduci na un reduccion di homicidio nan na pais.

Base legal pa e medida ta den Artículo 30 di Constitucion di e Republica. E articulo aki ta stipula: “Suspension di garantia constitucional no por pasa di 30 dia. Despues cu e periodo aki pasa, por extende suspension pa un periodo igual mediante un decreto nobo si e circunstancianan cu a motiv’e ta continua.”



E notificacion ta agrega: “Si un decreto asina no ta emití, e garantianan suspendi lo keda reestableci automaticamente.”

Hurisprudencia di Camara Constitucional ta sostene posicion di gobierno. Segun sentencia 21-2020AC, “ta posibel pa extende, cu motivacion debidamente fundamenta, e suspension di derechonan fundamental mediante un decreto nobo cu duracion no superior na e mesun 30 dia.”

Na nivel internacional, e documento ta señala cu varios instrumento di derecho hu-

mano ta permiti Estadonan, den caso di peligro publico of emergencia cu ta menasa independencia of seguridad di e Estado, pa adopta medidanan cu, den medida y pa e tempo estrictamente necesario, ta suspende cierto derecho no garantiza. Autoridadnan Salvadoreño ta afirma cu e medida no ta dirigi pa combati criminalidad comun, sino cu ta hustifica, manera ya a haci den pais, pa enfrente un fenomeno criminal sin precedentenan na mundo.

Resultadonan oficial a keda celebra como un “logro sin precedente den reduccion di criminalidad, crimen or-

ganisa y terrorismo.” Segun informe presenta door Minister di Seguridad, “e medidanan extraordinario implementa a ser altamente exitoso, resultando den un reduccion historico di tasa di homicidio y captura di mas cu 91.300 terrorista.”

Durante aprobacion di Regimen, diputado Elisa Rosales, di Nuevas Ideas, a declara cu danki na e medida aki, El Salvador ta conta awe cu 1.140 dia sin homicidio, y a relata e estadisticanan mas reciente. Segun e parlamentario, december 2025 a cera cu 26 dia sin homicidio; mientras januari 2026 a termina cu 27

dia sin homicidio, y te awor den februari ya tin 20 dia sin ningun bida perdi pa motibo di violencia.

“Esaki no tabata posibel sin seguridad. Segun e dato nan mas reciente, nos ta lider regional den turismo,” e diputado a agrega. “Esaki ta muestra cu criminal nan ya no tin luga na El Salvador,” e a conclui.

Argumento principal pa extende e regimen ta e riesgo cu structuranan criminal ta reorganisa: “A identifica y captura individuo nan cu intencion pa reorganisa gangnan, replicando nan metodo criminal, y a confisca arma di fuego, droga y otro obhetto liga cu trafico ilicito.”

Ademas, ta enfatisa cu “procedemento nan ta ser realiza den casnan pa elimina marca nan of señal corporal cu ta aludi na gangnan,” demostrando intento nan di scondemento y evasion cu ta rekeri vigilancia constante.

Documento aproba ta reitera cu e extension ta decreta “pa beneficio di derecho na bida, seguridad fisico y propiedad di Salvadoreñonan.”

Brasil: Politiconan den corte tocante ordo di asesinato contra congresista

(AFP) – Corte Supremo ayera a duna apertura na e huicio di politiconan acusa di duna ordo pa e asesinato na 2018 di congresista di Rio de Janeiro, Marielle Franco, un caso cu a expone lasonan profundo entre politico y crimen organisa na e pais.

Franco, un activista lesbiana color scur kende a lanta den un favela y a bira un critico abierto di e gruponan militante poderoso di Rio, tabatin 38 aña di edad na momento cu el a keda asesina den centro di e ciudad hunto cu su chauffeur, Anderson Gomes.

E dos agente di polis, ex-militar, kende a comete e asesinatonan a ricibi sentencianan pisa di prison na 2024. Corte Supremo awo ta enhuiciando ex-legislador federal Chiquinho Brazao y su ruman homber Domingos, un ex-legislador estatal, acusa di a duna ordo pa e asesinato.

Fiscalia ta bisa cu nan motivacion tabata e oposicion di Franco pa plannan cu lo a “legalisa” tereno invadi ilegalmente pa milicianan cu ta controla partinan grandi di e ciudad.

Ruman muher di Marielle, Anielle Franco, minister Brasileño di Igualdad Racial, tabata presente den e sala di corte na momento cu e huicio a inicia, hunto cu otro miembronan di su famia. Ta “inaceptable cu ta asesina un parlamentario,” Anielle a bisa prome cu dreña sala di corte, agregando cu mester castiga esnan tras di e crimen.

Viuda di Franco, Monica Benicio, a adverti den un editorial den corant O Globo cu e “ecosistema criminal cu a mata Marielle ta continua operando y a extende su tentaculo.”

Milicianan na Rio a bin dilanti alrededor di cuatro decada

atras, tempo cu ex-agente di polis y di seguridad a crea asina-yama gruponan di defensa pa protege comunidanan di gang di droga. Rapidamente esakinan a evoluciona den organisacionnan criminal poderoso, controlando partinan grandi di e ciudad, extorsionando residente, invadiendo tereno publico, y beneficiando di sosten politico di nivel halto.

Rivaldo Barbosa, un ex-comisionado di polis kende a dirigi e investigacion prome, tambe ta den huicio pa traha “pa sigura impunidad pa esnan cu a duna ordo pa e asesinato.”

Un ex-agente di polis militar y un ex-consehero di Domingo Brazao ta den huicio tambe.

Rumannan Brazao ta nenga cualkier participacion y a reta un acuerdo di culpabilidad haci cu e asesino, Ronnie



Lessa, un ex-agente di polis militar kende a confesa na su rol den e asesinato.

Lessa, kende a keda sentencia cu 78 aña di prison na 2024, a bisa durante su huicio cu e tabata “ciego” y “a bira loco” pa e prospecto di un miyon dollar di recompensa pa asesinato di Franco.

E huicio den Corte Supremo

ta lidera pa hues poderoso, Alexandre de Moraes, kende a supervisa e condena di ex-presidente Jair Bolsonaro pa planea un golpi di estado fracasa na 2022.

De Moraes a bisa cu e caso di fiscalia no ta basa solamente riba cooperacion di Lessa, y cu “varios pisa di evidencia, testimonio y documento” ta sostene su confesion.

Grupo di derecho ta critica manera di trata macaco viral Hapones

(AFP) – E caso di un macaco baby na Hapon cu a bira un sensacion riba internet ta mustra e crueldad di zoologico, un grupo di derecho di animal a bisa, mientras benta di e peluchi di IKEA cu e animalito ta brasa a aumenta.

Punch, un macaco baby bandona pa su mama, a bira un strea despues cu imagennan a circula di dje siendo victima di bullying di otro macaco, y buscando comfort di e peluchi di orangutan na Ichikawa City Zoo pafo di Tokyo.

“Zoologico no ta santuario – nan ta lugarnan unda animalnan ta cera, priva di autonomia, y ta nenga nan e ambiente y bidanan social compleho cu nan lo tin den mundo salvahe,” segun Hende pa Trato Etico di Animal (PETA).



“Loke algun persona ta yamando ‘cute’ realmente ta un bista den e trauma di un macaco jong, altamente social, purbando di anda cu isolacion y perdida,” director di e grupo pa Asia, Jason Baker a

bisa den un declaracion.

“Te ora cu facilidadnan stop di usa sernan sensible como atraccionnan, animalnan manera Punch ta bay sigui sufri den cautiverio,” Baker

a bisa, haciendo un yamado pa traslada Punch na un “santuario reputable, unda e por biba den un ambiente mas natural.”

Rechasa pa su mama, Punch a lanta den un ambiente artificial despues di a nace na juli, y a cuminsa training pa join su trupa luna pasa. E predicamento di Punch a atrae interes enorme online, creando un base di fanatico devoto bao di e hashtag #HangInTherePunch, mientras multitudnan grandi a invadi e zoologico.

Mientras tanto, gigante di muebles Sueco, IKEA, fabricante di e peluchi di orangutan, a bisa cu ta mirando interes “sin precedente” y benta “significativamente” mas halto cu usual.

“Como resultado, e producto actualmente ta sold out den

algun mercado, incluyendo Hapon y Merca,” Ingka Group, compania holding controlando mayoria di tienda di IKEA, a bisa AFP via e-mail.

Durante un weekend largo di dia festivo na Hapon, fanaticonan a para den rij hasta un ora pa por mira Punch, zoologico Ichikawa a bisa riba X, cu mas di 5 mil bishitante registra riba dialuna. E zoologico a bisa cu a set up un “zona restringi” rond parti di e habitat di e macaconan pa reduci stress pa e animalnan. Un gran cantidad di persona a puntra con por haci donacion di placa of producto, a agrega.

Den un update riba e caso di Punch diadomingo, e zoologico a bisa cu e dos macaco a cuid’e “meticulosamente” y cu “poco poco e ta fit den e grupo.”

Presentador di television Mericano ta ofrece recompensa di \$1 miyon den secuestro di su mama

(AFP) – Presentador di television Mericano, Savannah Guthrie a bisa diamars cu su famia awo ta ofreciendo hasta \$1 miyon pa un tip cu resulta den recuperacion di su mama, kende a keda secuestra 24 dia pasa.

Guthrie a reconoce cu awo su mama por ta morto, den loke lo bira un final tragico pa un caso cu a captiva Merca y a laga polis babuca desde cu Nancy Guthrie, 84, a desaparece di su cas na Tucson, Arizona dia 1 di februari.

A pesar di un buskeda frantico pa e señora di edad avansa, polis no a identifica un sospechoso den e caos.

Cu lagrima na su wowo den un post riba Instagram, Guthrie a bisa cu e y su rumannan awo ta acepta cu nan mama por ta morto. “Nos sa cu e por ta perdi,” Guthrie a bisa. “E por a bay caba.”

Pero el a bisa cu e famia mester di claridad y clausura. “Nos mester pa e bolbe cas. Pa e motibo aki, nos ta ofreciendo un recompensa di e


famia di hasta un miyon dolar pa cualkier informacion cu resulta den su recuperacion,” Guthrie a bisa. “Un persona eyfo sa algo cu por trec’e cas,” Guthrie a bisa. “Un persona sa.”

Investigadornan federal ta ofreciendo \$100.000 pa informacion resultando den ubicacion di e señora of e aspecto di su secuestradornan.

FBI a publica potret y video di un persona cu cara tapa acercando cas di Guthrie riba e anochi di e secuestro, pero

no a logra identifica un sospechoso. Sheriff di Pima County, Chris Nanos a bisa siman pasa cu investigadornan a

descarta miembronan di famia di Nancy Guthrie como sospechoso di tin cualkier participacion den su desaparicion.



Comediante Britanico, Russell Brand ta rechasa cargonan nobo di violacion y agresion



(AFP) – Comediante y actor Britanico, Russell Brand a declara su mes inocente di dos cargo nobo di violacion y agresion sexual na un corte na Londres ayera.

Brand, antes un campañador politico isquierdista kende a redefini su mes como un guru conservador pa su miyones di siguidor riba rednan social, a yega corte cargando un copia di Bijbel.

Brand a rechasa cargo di a agredi un muhe sexualmente na Londres na 2009, y di a viola otro muher e mesun aña,

tambe na e capital Britanico. A renoba su fianza na final di un audiencia cortico, y e ta programa pa huicio na juni.

El a declara su mes inocente na mei di otro cinco cargo relaciona cu cuatro muher – un cargo di violacion, uno di violacion oral, dos di agresion sexual y uno di agresion indecente entre 1999 y 2005.

“E cargonan nobo aki ta relaciona cu dos otro muher y ta añadi na e cargonan emiti contra Brand na april 2025 cu a involucra cuatro muher,” Polis Metropolitano di Londres a bisa den un declaracion na

december.

Naci na 1975 na mayornan di clase trahador na Essex, oriente di Londres, Brand a cuminsa su carera como comediante den su adolescencia, eventualmente trahando como presentador di MTV y como anfitrión di un serie di reality TV.

E tabata presenta un show riba stacion Radio 2 di BBC entre 2006 y 2008, pero a renuncia despues di un ‘prank’ al aire den cual el a laga un mensahe di voz, sexualmente explicito, pa actor di Fawlty Towers, Andrew Sachs tocante su nieta.

Gobierno di Reino Uni lo publica documentonan tocante prins Andrew ‘fresco’

(AFP) - Gobierno di Reino Uni a compromete diamars na publica documentonan tocante ex prins Andrew su rol den pasado como un embahador special di comercio, despues cu e scandal di Epstein a amplia e aresto di e politico veterano.

E impacto di e publicacion luna pasa di autoridadnan Mericano di miyones di documento relaciona cu e difunto ofensor sexual Epstein ta plamando rond di e monarkia Britanico y circulan politico.

El a aumenta presion riba prome minister Keir Starmer su gobierno, pa publica documentonan tocante Andrew y ex minister di Exterior Peter Mandelson, ken awo ambos ta suheto di investigacion policial di alto perfil.

Minister Chris Bryant a conta parlamento cu gobierno lo publica documentonan di veto contra Andrew Mountbatten-Windsor su nombracion como embahador di comercio, un posicion cu el a tene for di 2001 pa 2011.

El a bini despues cu e tercer partido mas grandi, Liberal Democrats, a desplega un mecanismo parlamentario, tiki usa, cu tin e intencion di obliga ministernan revela documentonan, cual a surgi ora cu Tony Blair tabata minister di labor 26 aña atras.

Bryant a bisa cu publica e documento ta “lo menos cu por haci pa e victimanan” di Epstein, agregando cu Andrew tabata “un homber fresco y arogante.”

Mountbatten-Windsor, ken a perde su titulon real aña pasa, ta bao investigacion di polis pa acusacionnan cu el a comparti documentonan sensitivo cu Epstein durante su tempo como embahador. E ex prins a keda aresta siman pasa bao sospecha di mal conducta den posicion publico y su ruman homber



Rey Charles III a bisa cu “ley mester cana su caminda.”

Lider Ed Davey a bisa cu Andrew su asociacion cu Epstein y cu esun di Mandelson, ken a keda den libertad den oranan trempan di diamars, ta un “mancha riba nos pais.”

“Nos mester cuminsa limpia e mancha ey cu desinfectante di transparencia,” el a bisa.

E partido su mocion, conoci como “un direccion humilde,” a keda aproba sin voto danki na gobierno su sosten.

Bryant a bisa cu e tabata kier “mancha hende su expectativa” tocante con lihe e documentonan por keda publica, pa motibo di e edad y cantidad di material, ademas di e investigacion policial.

Mountbatten-Windsor, ken tin hopi tempo rondona pa scandalnan pa motibo di su amistad cu Epstein, a rechasa cu el a comete cualkier error.

Virginia Giuffre, ken a comete suicidio aña pasa, a bisa cu e ta victima di trafico 3 biaha, trafica pa tin relacion sexual cu e real Britanico, cuminsando den 2001 y dos biaha ora cu e tabatin 17 aña.

Andrew a yega un acuerdo den un demanda civil di Merca den 2022 cu Giuffre a trece dilanti mientras cu e no a reconoce responsabilidad.

E empuhe pa e documentonan contra Andrew ta bini mientras gobierno ta prepara pa publica den comienso di maart un prome set di documento relaciona cu e nombracion di Mandelson den 2024 como Reino Uni su

embahador na Washington.

E oposicion principal, e partido conservativo, anteriormente a exitosamente usa loke ta yama “humble address” pa pidi e publicacion di e documentonan aki.

Documentonan publica a revela cu Mandelson a duna informacion financiero na Epstein ora cu e tabata secretario di negoshi pa Reino Uni

alrededor di 2009 pa 2010. Ora cu Andrew a keda nombra e embahador di comercio, Mandelson tabata un figura clave den Blair’s Labour y tabatin e nomber di “Prins di Scuridad” pa su habilidadnan di por manipula media.

Manera menciona anteriormente, Mandelson a pidi disculpa pa su amistad cu Epstein y a insisti cu e no tabata sa tocante e ofensanan sexual, a pesar di su condena den 2008 pa prostitucion di mucha. El a keda aresta pa polis dialuna y deteni pa interrogacion prome cu el a sali den libertad bao fianza diamars.

Den un declaracion, e firma di ley representando e, Mishcon de Reya, a bisa cu e aresto tabata pa motibo di e preocupacion “sin base” cu tin riesgo cu e lo bula bay di e pais.

E firma a bisa cu “no tin ningun berdad” den e sugestion cu e “tabatin plan di sali di e pais y biba permanentemente den otro pais,” agregando cu su prioridad ta den coopera cu polis y “limpia su nomber.”

Ni Mandelson ni Andrew a keda acusa di ningun ofensa ainda.

A first communion deserves a first-class celebration

Celebrate a once-in-a-lifetime milestone like your child’s First Holy Communion together with family.

Mark the occasion with a gathering that feels truly special, with our Holy Communion packages tailored to your celebration needs.

Now booking Holy Communion celebrations.

Lilian Polsbroek
Lilian.Polsbroek@hilton.com
526 6120



Hilton
ARUBA CARIBBEAN
RESORT & CASINO



FIND US ON
BONDIA
ARUBA
www.bondia.com
ALSO AVAILABLE ON
f @ d X

Arbeloa: UEFA por haci e lucha contra racismo mas cu un lema

(AFP) - Coach di Real Madrid Alvaro Arbeloa a haci un yamado na cuerpo di gobernacion di futbol Europeo, UEFA, pa haci nan lucha contra racismo mas cu un lema despues di e supuesto abuso di Vinicius Junior.

UEFA a duna un suspension provisional na Gianluca Prestianni di Benfica pa e di dos parti di e play-off den Champions League, despues cu Vinicius a acusa su persona di abuso racial durante e prome parti siman pasa.

Si UEFA declara cu Prestianni, ken a discuti cu e Brasilero mientras e tabatin su t-shirt ta tapa su cara, a comete un abuso contra Vinicius na fin di nan investigacion tocante e incidente, e lo ricibi un suspension di un minimo di 10 wega. “Nos tin un gran oportunidad di marca un cambio den e lucha contra racismo,” Arbeloa a conta reporteronan.

“UEFA, cual semper tabata y ta lidera e lucha contra racismo, awo tin e chens di no laga esaki ta djis un lema, na algun poster prome cu weganan y mi ta spera cu nan por usa e oportunidad aki.”

Vinicius a anota otro gol briyante den e prome parti, permitiendone Real Madrid tin un victoria di 1-0, prome cu e supuesto abuso a haci cu e



wega mester a para pa alrededor di 10 minuut.

Arbeloa a bisa cu e ta kere cu Vinicius lo mira exito diaran son na Santiago Bernabeu cu e 15 biaha campeon purbando di yega e ultimo 16. “Vinicius Junior semper e demostra hopi balentina y hopi caracter,” Arbeloa a comenta. “Esey semper ta su respuesta, e semper tabata y semper lo ta. E ta un luchador y mi ta sigur cu mañan e lo bay lucha y tin un gran wega, y keda demostra cu e ta un di e miho hungadonan riba planeta.”

Keeper di Madrid, Thibaut Courtois, ta sostene e hungado di 25 aña, aunke Prestianni y Benfica ta insisti cu no tabatin abuso racial. “(Benfica) ta bay kere loke nan hungador ta bisa y nos ta 100% tras di Vini, pasobra Vini a lucha miles di bataya riba veld, unda tabatin varios encuentro cu hungadonan y

nunca el a bisa cu algo manera esaki (a sucede),” Courtois a conta reporteronan.

“Pa motibo cu (Prestianni) a tapa su boca cu su t-shirt, nunca bo lo sa y mi ta kere cu den final Benfica lo defende nan hungador. No tin hopi cu nos por haci y ta den man di UEFA y e institucionnan dicidi kico nan kier.”

E hungador Belga a bisa cu e ta den desacuerdo cu e coach di Benfica Jose Mourinho su palabranan despues di e wega, cu e manager Portugues veterano atacando Vinicius pa loke el a bisa ta un celebracion cu a falta respet. “Na final di dia Mourinho ta keda Mourinho. Como un coach, bo semper, mi ta kere, ta bay defende bo club y loke bo hungador a bisa’bo,” Courtois a bisa.

“E unico cos cu ta desapunta’mi ta usa Vini su



celebracion, i mi no ta kere cu Vini a haci nada malo ey nan... mi no ta kere nos por hustifica supuesto racismo pa motibo di un celebracion.”

Vinicius a ser abusa pa varios sostenedor di oposicion den varios ocasion desde cu el a yega Real Madrid. Imagenan di video ta muestra algun fanatico di Benfica ta haci gesto di macaco siman pasa. “Mi ta kere nos mester ta menos kens como sociedad,” Courtois a comenta.

Benfica a apela contra Prestianni su suspension provisional di un wega pa purba di haci’e disponible pa enfrenta contra Madrid. “Prestianni ta categorisa como un persona racista y mi por segura cu e ta cualkier cos menos un racista,” presidente di Benfica Rui Costa a bisa reporteronan anteriormente diamars.

E argentino di 20 aña a biaha

bay Madrid cu su ekipo na Benfica por si acaso nan gana e apelacion. “UEFA tin e decision den nan man, el a haci un decision, e club a apela, y nos como coach, obviamente mester prepara pa cada posibilidad, y esaki ta un di nan,” Joao Tralhao, un di Mourinho su asistent a comenta.

Ex coach di Real Madrid Mourinho no lo por lidera su ekipo for di Santiago Bernabeu pa motibo cu el a keda manda cas pa protesta na fin di e prome parti.

“Obviamente e ta nos lider y semper bo ta haya falta di un lider,” Tralhao a agrega, representando e veterano Portugues.

“(Sinembargo) aunke Jose Mourinho no por tey den e area tecnico cu nos, e ta cu nos.”

Miembronan di e departamento tecnico di COA ta sigui curso pa eleva nivel tecnico-deportivo

Direccion di Deporte ta haci capacitacion pa cu control y monitoreo di carga di entrenamiento

Como e departamento tecnico-deportivo cu ta encarga cu tur aspecto cu tin di haber cu e diferente deporte cu ta forma parti di e famia di Comité Olimpico Arubano (COA), a sigui un capacitacion pa asina por mehora e proceso di control y monitoreo di carga di entrenamiento.

Miembronan di e deporte tecnico Direccion di Deporte (DdD) a reuni virtualmente cu Sr. Mauricio Moyano di Argentina, cu ta un profesional cu ta profesor na universidad ademas di forma parti di diferente grupo di profesionalnan cu ta mancha entrenamiento na nivel di alto rendimiento.



Den e caso aki, e la conta di aplicacion di tecnologia pa controla rendimiento y fatiga di atletanan.

Direccion di Deporte ta gradici Sr. Mauricio Moyano

pa tur informacion cu a ser comparti, cu sigur lo haya bon uso pa asina por eleva e nivel di e trabou cu e departamento tecnico di COA ta haci.



Fundador di Telegram ta acusa Rusia di lansa investigacion di ‘terrorismo’ den su contra

(AFP) - Pavel Durov, e fundador naci na Rusia di Telegram, a bisa diamars cu autoridadnan Ruso ta investigando e pa “sostene terrorismo,” marcando e escalacion mas recien den Moscu su varios intento di blokia e aplicacion popular.

Moscu a restringi acceso na ambos Telegram y WhatsApp, Rusia su dos aplicacion mas popular, mientras e ta purbando di dirigi usuarionan pa Max - un alternativa cu sosten di e estado cu criticonan ta bisa tin falta di privacidad - pero te awo no a mira exito.



“Rusia a habri un caso criminal contra mi pa ‘sostene terrorismo,’” Durov, ken tin ciudadania Ruso y Frances y ta biba fuera di Rusia, a publica

riba Telegram. “Cada dia, autoridadnan ta fabrica excusa nobo pa restringi Rusonan su acceso na Telegram mientras nan ta busca viola e derecho na privacidad y libertad di expresion,” el a agrega.

Rusia tin varios aña purbando di blokia Telegram y den varios ocasion a exige Durov duna e servicio di seguridad FSB, acceso pa por evadi su proteccion y data di usuario di acceso.

Anteriormente diamars, algun media di e estado a publica articulo largo, citando material di FSB, a acusa Du-

rov su negacion di coopera cu autoridadnan a causa morto mirando cu supuestamente a usa Telegram pa coordina asina yama “atakenan terrorista.”

No tin comentario oficial for di autoridadnan Ruso tocante e investigacion cu a habri contra Durov.

E presidente hopi biaha ta usa acusacionnan y cargonan di “terrorismo” of “extremismo” pa silenciar oposicion y persigui criticonan, un practica cu a aumenta den medio di e operacion na Ucrania, cual a yega su 4 aña diamars.

“Nos ta mirando un cantidad

grandi di violacion y e falta di disposicion di Telegram su administracion pa coopera cu nos autoridadnan,” e vocero di e presidente Dmitry Peskov a bisa reporteronan diamars, sin confirma si un investigacion contra Durov a keda lansa.

Ademas di ta un aplicacion pa mensahe, Telegram ta usa ampliamente como e pais su plataforma di rednan social principal.

E presidente mes ta publica riba e aplicacion varios biaha pa dia y siman pasa Peskov a bisa cu e lo keda cu su cuenta oficial.

Minister di Asunto Exterior di Iran ta bisa cu acuerdo nuclear ‘ta cerca’

(AFP) - Minister di Asunto Exterior di Iran, Abbas Araghchi, a bisa diamars cu un acuerdo nuclear ta “hopi cerca”, prome cu dialogo cu Merca cual lo tuma luga mas adelante e siman aki.

“Nos tin e oportunidad historico di yega un acuerdo nunca antes mira cu ta atende e preocupacionnan mutuo y ta logra interesnan mutuo,” Araghchi a bisa, den un publicacion riba e website X.

El a agrega cu e acuerdo ta “hopi cerca, pero solamente

si duna prioridad na diplomacia.”

Tehran y Washington lo tin un tercer ronda di negociacion nuclear diahuebs na Geneva, marcando e mas recien desde cu a sigui cu dialogo e luna aki.

E dialogo lo tuma luga dilanti despliegue pisa militar di parti di Merca den e region den simannan reciente y menasa di Presidente Donald Trump di accion si no yega un acuerdo.

Iran den varios ocasion a bisa

cu e lo responde di manera firme na cualkier atake y riba dialuna, e ministerio di exterior a bisa cu cualkier atake, hasta limita, “lo ser mira como un acto di agresion.”

Den su publicacion, Araghchi a bisa cu Iran “bao di ningun circunstancia lo desaroya un arma nuclear” pero a insisti riba su derecho di “usa tecnologia nuclear pacifico. Nos a comproba cu nos no lo tin reservacion den e proteccion di nos soberania cu curashi,” el a agrega.



Reino Uni ta duna boet di casi \$20 miyon na Reddit pa fayonan den data di mucha

(AFP) - Britania su vigilante di data riba diamars a bisa cu el a duna website di dialogo online, Reddit, un boet di 19.5m iyon dollar pa faonan den proteccion di data personal di muchanan, potencialmente exponiendo nan na contenido danino.

Information Commissioner’s Office a bisa cu e compania basa na Merca no a revisa e muchanan su edadnan di manera apropiada y no a completa un evaluacion di riesgo rekeri pa muchanan prome cu januari di 2025.


“E fayonan aki ta nifica cu Reddit tabata usando data di muchanan di manera ilegal, potencialmente exponiendo nan na contenido dañino y inapropia,” ICO a bisa den un declaracion.

Reddit a bisa cu e tin plan di apela e decision.

E vigilante a lansa un investigacion contra Reddit den maart di 2025 a causa di su medidanan pa confirma edad y uso di informacion personal.

E plataformanan di rednan social TikTok y Imgur tambe a cay victima di e regulador di proteccion di data su investigacion, causando cu Imgur den september a blokia acceso pa usuarionan na Reino Uni.

ICO a haya cu mientras Reddit ta prohibi muchanan di menos di 13 aña di usa nan plataforma, e no tabatin ningun medida implementa pa evalua e usuarionan su edad te cu juli 2025. “Muchanan bao di 13 aña su informacion



personal a keda colecta y usa den maneranan cu nan no por compronde of consenti of controla,” John Edwards, Reino Uni su comisario di informacion, a bisa den un declaracion diamars.

E vigilante a bisa cu e lo mantene Reddit su medidanan pa verifica edad bao evaluacion como parti di su politica mas amplio di monitor companianan cu ta depende riba usuarionan declarando nan edad

nan mes.

Un vocero di Reddit a bisa cu e compania “no ta rekeri pa su usuarionan comparti informacion tocante nan identidat, sin importa edad, pa motibo cu nos tin un compromiso sumamente profundo na nan privacidad y seguridad.”

Prome minister Keir Starmer su gobierno ta aumentando e esfuersonan pa proteha muchanan online, despues di a lansa un consulta tocante un prohibicion di rednan social pa muchanan bao di 16 aña di edad.

E gobierno tambe a tuma accion pa fortalece su leyman di seguridad online despues di kehonan tocante deepfake crea pa Elon Musk su chatbot Grok.

AI ta causando ‘señalnan di advertencia’

(AFP) - Sistemanan di inteligencia artificial su capacidnan creciente, comportamiento y prestacion den test ta causando “señalnan di advertencia” cu mester pone legisladornan tuma accion, investigador lider Stuart Russell a bisa diamars na Paris.

Papiando na un conferencia organisa pa UN su cuerpo científico y cultural, UNESCO, y International Association for Safe and Ethical AI (IASAI), Russell a pidi esnan presente pa “imagina, hipoteticamente, cu mundo ta participando den desaroyo di algo manera AGI (artificial general intelligence) y cu nos cuminsa cu test... y imagina cu e sistemanan aki a cuminsa fracasa tur e testnan aki y comporta di manera peligroso. Mi ta sigur cu nos lo responde na e advertencianan aki y tuma accion pa controla e tecnologia,” Russell a declara.

Russell, naci na Reino Uni y un profesor na Berkeley, University of California, a trece dilanti problemanan manera “agentenan” autonomo di AI scapando of purbando di scapa control di ser humano.

Algun a te hasta manda e-mail na su persona sin cu el a pidi nan pa anuncia cu nan a obtene sentimento of ta merece derechonan.

E casonan aki di asina yama ‘psicosis di AI,’ den cual combersionnan cu chatbot ta encurasha hende actua di manera irracional of causa daño na nan mes, y a adverti cu e careda corporativo y geopolitico pa crea sistemanan cada biaha mas poderoso ta pone den riesgo amplia e problemanan aki.

Sinembargo Russell no tabata completamente pesimista, bisando cu e tabatin “e sentido cu e pendulum ta biniendo back” den direccion



di gobiernonan y firmanan di tecnologia tumando seguridad di AI na serio despues di siman pasa su cumbre global tocante e tecnologia na India.

Varios desaroyador manera OpenAI y Anthropic a insisti cu nan ta tuma seguridad na serio, publicando informacion detaya tocante capacidnan, test y posible riesgo cada biaha cu nan lansa un version actualisa di nan modelo di AI.

Sinembargo na e edicion di aña pasa su cumbre, tambe organisa na Paris, esnan cu ta campaña pa seguridad a lamenta nan preocupacion ta ignora na favor di posible beneficiacion economico.

E asina yama ‘middle powers’ mas aleu cu Merca y China ta habri na regula AI di manera mas estricto, Russell a bisa, citando regulacionnan den Union Europeo.

Y lidernan di compania top cu ta desaroyando e tecnologia, incluyendo Google y Anthropic, a promove e idea di un pausa den e careda di nan competidor si por convence nan.

Mientrastanto e votadornan ordinario no ta entusiastico tocante un reemplazo na trabao pa e “imitacion di ser humano” cu ta den desaroyo pa firmanan grandi, Russell a bisa.

“E ta nos trabao pa informa y mobilisa e opinion publico aki... pa asina nos representanten politico comprende cu nos, e pueblo, tin un derecho di proteccion,” el a agrega.

AI mester ta usa pa atende e “gran mayoria di ser humano su sufrimento (cual) ta bini for di fracaso den accion colectivo di ser humano,” Russell a declara.

Creador di Post-it, 3M, den huicio tocante kimiconan duradero

(AFP) - Belganan bibando cerca di un planta di 3M a haci yamado pa husticia diamars na e huicio di apertura contra e creador Mericano multi-nacional di Post-it y Scotch Tape, pa motibo di contaminacion di e asina yama ‘forever chemicals’, cual ta kimiconan cu ta dura practicamente pa semper.

Centenares di persona ta exigiendo 30 milyon euro en total pa posible dañonan den e serie mas recien di caso legal mundial cu ta centra riba e daño causa pa substancianan per- y polyfluoralkyl, miho conoci como PFAS.

“Esnan responsable mester tuma responsabilidad. Un compania no por contamina y no worry, tuma e ganashi y bay; e no ta posible,” Petra Praet un di e victimanan, aconta AFP despues di a yega e audiencia na Antwerp.

Nivelnan abnormal di contaminacion di awa y tera a keda detecta cerca di e planta di 3M na Zwijndrecht, pafó di e ciudad den 2021. Un muestra di sanger despues a confirma cu centenares di persona cu ta biba cerca a keda exponi na concentracionnan sumamente halto di acido sulfonico perfluorooc-



tane, PFOS, un miembro di e famia di PFAS usa como un agente pa haci algo a prueba di awa.

3M a bisa cu e no a produci PFAS na e planta inaugura den 1970 desde 2024 y a lansa un operacion pa remedia e tera den e area.

Sinembargo Geert Lenssens, un abogado pa e acusadonan, a bisa cu 1.400 local ta buscando 20.000 euro cada un den compensacion, anticipando e necesidadnan den futuro, acusando e grupo Mericano di “estorbo excesivo den bario.”

“Un malesa por tuma varios decada pa desaroya, manera nos a mira cu asbestos,” Lenssens a bisa, agregando cu su clientenan su propiedad

den e area tambe tabata para pa perde valor.

Varios di e victima a reuni den e sala di corte chikito, unda un hues lo tende e caso pa 3 dia.

Un pareha di edad avansa sinta den prome rij a bisa cu nan ta anticipa ricibi un disculpa for di 3M, kehando tocante su problemanan di salud. “E ta veneno cu nos a ricibi den nos hardin, nos sanger, nos curpa,” Praet a agrega, ken ta biba menos di 2 kilometer leu for di e planta y a biba ey pa 25 aña.

Conhuntamente cu su dos yiunan, e ta entre e localnan cu a somete nan mes na test di sanger. E ta bisa cu desde e tempo aki el a stop di come e webonan di su cas y a ban-



dona su planan pa tin un hardin di berdura, di acuerdo cu recomendacionnan di e autoridadnan local.

E caso ta sigui e demanda exitoso cu otro famia local a trece contra 3M dilanti e mesun corte, segun Lenssens.

Sinembargo no ta anticipa cu lo tin un veredicto prome cu un luna.

Hopi biaha yama un ‘forever chemical’, pa motibo cu nan ta tuma demasiado tempo pa deshaci, PFAS ta kimiconan crea pa ser humano cu ta combati calor, awa y azeta y ta usa den panchinan ‘nonstick’, matnan cu ta a prueba di mancha y otro productonan.

Cada biaha mas parti di mundo ta restringiendo su uso pa

motibo cu nan ta causa efectonan riba salud negativo.

Exposicion cronico na nivelnan abao ta conecta na daño di higra, colesterol halto, respuesta inmunologico reduci, peso abao na nacemento y varios tipo di cancer.

3M a conta AFP cu actualmente e ta ehecutando un operacion di limpieza di escala grandi na Zwijndrecht, despues di un acuerdo den 2022 cu autoridadnan local, bao di cual e firma a compromete na inverti mita biyon euro den medidanan pa remedia.

E compania, cual tambe a keda demanda na Merca pa motibo di su uso di PFAS, bisando cu e lo caba tur fabricacion di PFAS pa fin di 2025.

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Accidente cu 2 hende herida na Bubali

Dialuna anochi a drenta informe di un accidente cu impacto basta fuerte y hendenan herida dilanti un cocktail lounge na Bubali, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda e chauffeur di un Kia Sportage a bay subi e caminda sin a duna preferencia na un Hyundai di pariba cual a purba desvia na man robes pa e impacto pero asina mes ambos auto a bay pazuid di caminda. E



Hyundai a bay dal riba e cura di e cas mientras e Sportage a keda pega riba un piedra. Debi na e dobel impacto tanto e chauffeur como e pasahero den e Hyundai a resulta

herida mientras e chauffeur di e Sportage a keda ileso. Na yegada di e 2 ambulance nan a atende ambos herido y a transporta nan pa hospital.



Accidente cu hende herida na Sero Blanco



Dialuna mainta a drenta informe di un accidente cu hende herida, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda cu e chauffeur di un Mitsubishi a hala mucho na su man robes y a bay dal contra e trafico contrario. Debi na e fuerte impacto e chauffeur contrario a resulta herida. Na yegada di e ambulance nan a atende e victima na e sitio mes.

Dashcam a capta accidente na rotonde banda di aeropuerto



Dialuna atardi a drenta un video di un accidente na e rotonde banda di aeropuerto.

Aki ta trata un accidente unda un auto a bay cambia di lane mientras e auto

cora ta pasando y a dal esaki.

Na momento di accidente e persona den e auto cora a sali y bay pa confronta e persona responsable, pero e chauffeur di e auto blanco a sigui core.

Polis ta core cu personanan na Hendrikstraat cu no tin luga di biba



Dialuna mainta atrobe polis ta ricibi informe cu hendenan cu no tin caminda pa biba y mester hala nan for di Hendrikstraat, mesora a dirigi un patruya na e sitio.

Na yegada di e patruya a haya holor stinki di pishi y sushedad humano.

Polis a papia cu e hendenan eybao. Un persona drumi tapa den clechi no kier a lanta y polis a lant'e pa papia cu cune. Polis a avis'e cu nan a bin pa core cu nan for di e sitio publico aki ya cu nan ta crea mahos bista y e holor ta desagradable pa nos habitantenan y bishitantenan.

Presidente di Louvre ta entrega su retiro na Macron

(AFP)—Hefe di museo Louvre na Francia a presenta su retiro diamars, oficina di presidencia Frances a anuncia, despues di un serie di scandal cu a dura varios luna—incluyendo un robo atrevido di joyanan den pleno luz di dia.

Laurence des Cars a entrega su carta di retiro na presidente Emmanuel Macron, cual a acepta esaki, cu Elysee “elogiando un acto di responsabilidad den un momento cu e museo mas grandi di mundo mester un periodo di calma y un impulso nobo y fuerte pa ehecuta proyectonan grandi di seguridad.”

Des Cars tabata bao presion creciente desde e robo di october na e museo, unda joyanan di corona Frances balora na \$100 miyon a ser horta. E caso awor ta bao investigacion.

Louvre, un antiguo palacio real y cas di algun di e obranan di arte mas iconico di mundo, incluyendo “Mona Lisa” di Leonardo Da Vinci, ta ricibi rond di nueve miyon bishitante pa aña. Des Cars, ken anteriormente a dirigi Musee d’Orsay na Paris, a ofrece su retiro poco despues di e robo di 19 di october, pero Macron—ken



a nombr’e na e posicion na 2021—no a acepta esaki e tempo ey.

Diamars, Macron a gradici Des Cars pa su “accion y compromiso” y tambe pa “su experticio científico indiscutible.”

Cuatro sospechoso ainda ta bao custodia di polis, incluyendo dos cu ta sospecha di ta e ladronnan, pero e ocho pieza di joyanan di corona roba no a ser haya. Siman pasa, oficialnan cu ta liderando e investigacion a presenta un evaluacion interino despues di 70 audiencia, señalando “fayonan sistémico” cu a conduci na e robo.

Despues di inicialmente defende su posicion, Des Cars—ora varios fracaso di seguridad a sali na luz—a reconoce den un entrevista di 1 di december cu corant Le Parisien cu “cu perspectiva despues di hecho, nos por mira cu debilidad structural a keda (y) mi ta compronde cu esaki ta crea pregunta.”

Resultado completo di e investigacion ta anticipa pa ser publica na mei.

Ministerio di Cultura di Francia a duna orden pa su propio auditoria interno tocante e robo, mientras senadornan tambe ta haciendo audiencia riba e asalto cu a

capta atencion di Francia y hopi den exterior despues cu evidencia a punta na sistemanan di seguridad mal equipa.

Seguridad relaha

Den un otro informe critico publica na comienso di november, Corte di Auditoria a bisa cu Louvre a “priorisa operacionnan visible y atractivo” mientras cu a negligish inversion den mihor seguridad.

E institucion tambe a referi na existencia di un auditoria oficial di 2017 cu ya a adverti tocante e riesgo di un posible violacion di seguridad cu, segun informe, por tin conse-

cuencianan “dramatico.”

Reconociendo e problemanan revela, Des Cars a bisa e Senado fin di october cu e no tabata busca pa “evadi responsabilidad of adopta un posicion di negacion. A pesar di nos esfuerso, a pesar di nos trabao diario duro, nos a ser derota,” el a admiti.

Desde e ladroncia, e museo a tuma varios medida di emergencia, incluyendo reemplasa e heki usa pa e ladronnan, mientras Des Cars tabata enfoca riba un gran renobacion yama “Louvre—Renacimiento Nobo.”

Ademas di e robo, otro contratiempo reciente a afecta su gestion, unda Louvre tambe a keda involvi den un scandal di fraude di ticket y un leak di awa despues cu un tubo a rementa e luna aki den un seccion unda “Mona Lisa” y otro pintura valioso ta ser exhibi.

Ademas, desde mitar di december algun empleadonan di museo ta involvi den e disputa laboral mas largo den historia di e institucion den protesta contra condicionnan di trabao.

Esaki a forsa Louvre cera su portanan na varios ocasion y a mustra relacion tenso entre e sindicato y Des Cars.

Weso di kaak di bayena haya na Oosterschelde a bin for di museo na Amsterdam

(AFP)—Un weso di kaak di bayena cu a ser pisca na Oosterschelde un aña pasa a ser identifica como proveniente di un museo cera na Amsterdam, segun buceador cu a haya e weso. El a termina den awa despues di un serie di decision cuestionable, buceador Bas van der Sanden a bisa corant PZC.

Van der Sanden a haya e weso di casi 3 meter largo cerca di Zeelandbrug na februari 2025. Prome el a pensa cu tabata e Weso di kaak di bayena fin, cual talbes a pasa door di Oosterscheldekering. Pero inspeccion mas cerca a hacie bira cada biaha mas sospechoso.

E wesonan tabata blanco y limpi, algo cu no mester ta posible pa wesonan cu ta keda bao awa pa un periodo largo. Ora el a cuminsa preserva e

weso, el a haya cu ya e tabata preserva. Y ora test di DNA a mustra cu e weso no tabata di un bayena fin comun sino di un bayena Omura—un especie cu no ta ni aparece cerca di Hulanda—el a bati alarma, Van der Sanden a bisa PZC.

E berdad porfin a sali na cla ora un empleado di museo a contacta Van der Sanden despues cu el a duna un charla tocante e misterio aki na un expo di buceo. E weso di kaak aki a resulta di ta proveniente di e Zoological Museum Amsterdam, cual a cera na 2011.

E museo a dona su wesonan na museo Naturalis, pero Naturalis no tabata interesa den e wesonan di kaak di bayena y a duna orden pa nan retiro, e empleado a splica. E empleado di museo a pensa cu esaki tabata un desperdicio y a hiba nan cas. Pero ora el a muda, e no tabatin espacio

pa e weso enorme. Y e no por a bolbe entreg’e na un museo pasobra e no tabatin documentacion oficial.

E empleado di museo y un colega despues a bin cu un plan pa benta e weso den lama na un lugar unda sigur hende lo hay’e. Asina, despues cu e weso wordo recupera, lo por haya documentacion oficial atrobe.

E historia tabata asina improbable cu Van der Sanden a mester a hari, el a bisa PZC. “Técnicamente, no a comete ningun delito penal. Esaki no tabata hortamento,” el a bisa e corant. Pero e tabata un serie di mal calculacion. “Den e mundo di museo, esaki lo ser ricibi cu un castigo moral, ‘Bo mester tin berguensa!’ Bisa cu un sonrisa, claro.”

Potret di Bas van der Sanden
riba Facebook.



Esakinan ta inclui 14 sitio

**Dokter na warda**

Oranjestad San Nicolas
Hospital Imsan
7:00 pm / 10:00 pm **24 ora**

Botica na warda

Oranjestad: San Nicolas:
Eagle : Centro Medico:
Tel. 587 9011 Tel. 584 5794

EMERGENCIA 911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Aruba Transfer Tour & Taxi C.A.
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

Imagennan di abuso sexual haya den cel di asesino



(AFP) - Belgica a habri un investigacion despues cu a haya imagennan di abuso sexual den e cel di un asesino den serie conoci, Marc Dutroux.

Sentencia cu cadena perpetua den 2004, Dutroux, ken awo tin 69 aña, a ricibi su condena pa cargonan cu a inclui secuestro y violacion di 6 hoben di 1995 pa 1996, y e asesinato di 4 di e hobennan en cuestion.

Autoridadnan a haya alrededor di 200 imagen pornografico den su cel - unda e ta aresta den confinamento solitario - durante un buske-

da den 2024, segun e revista semanal Humo.

Alrededor di mita di e imagennan cu a descubri tabata material di abuso sexual di mucha, segun e revista a reporta.

E fiscal di Walloon Brabant, e provincia Belgico unda e prison cu tin Dutroux ta situa, a confirma e reportahe na agencia di noticia Belga, sinembargo a haci esaki sin provee mas detaye.

Segun Humo, e criminal a bisa su abogadonan cu e imagennan no ta pertenece na e, declarando cu e ta victima di

“acoso” di otro prisioneronan cu aparentemente a hinca e potretnan den su cel sin su conocimiento.

Abogado BRuno Dayez a rechasa duna comentario.

Dayez a tuma Dutroux su caso den 2016 y a busca obtene su liberacion den 2021.

E intento aki a keda rechasa despues di un reportahe experto den 2020, unda a conclui cu Duxtroux mester ta considera un criminal cu ta hopi probable di bolbe comete e mesun crimen.

Pronostico di tempo

Tempo:

Awe tardi y awe nochi: parcialmente nubia y generalmente seco
Den marduga y mañan: parcialmente nubia cu un awasero breve

Temperatura maximo 32 grado Celsius

Temperatura minimo 25 grado Celsius

Indice di calor (heat index) den y rond di oranan di merdia: 33 pa 37 grado Celsius
UV index: 10

Bahada di solo : 6:48pm
Subida di solo : 6:58am

Biento:


Moderate te basta fuerte for di direccionnan generalmente oost; Forsa 4 te 5 (20 te 39 km/ora, 11 te 21 nudo).
Durante di dia fuerte te posiblemente duro den rafaga; forsa 6 te 7 (40 te 61 km/ora, 22 te 33 nudo).

Situacion general di tempo:

No ta spera cambianan grandi den e weer durante e periodo di pronostico aki. Nivelnan di humedad den atmosfera ta limita y lo stroba desaroyo di nubianan cu por produci awasero. Pa e motibo aki no ta spera awasero di importancia y weer seco lo domina.

Un concentracion moderata te halto di stof di Sahara lo drenta atmosfera regional den curso di mañan dialuna. Esaki lo stroba e visibilidad y trece aire di calidad abou pa region local. Personanan cu tin sensibilidad pa cambianan den calidad di aire mester tene esaki na cuenta.

Condicionnan maritimo/estado di lama:
Na partinan protegi di costa: Keto cu olanan rond di 1 pia. Na partinan zuid protegi: trankil, 1 te 2 pia.



Na partinan zuid no protegi: trankil te moderata cu olanan di 2 te localmente 3 pia. Na partinan oost te noordwest di costa: Generalmente moderata cu olanan alrededor di 4 pa 6 pia.

Aviso/alerta:

Operadornan di boto chikito mester bay cu cautela na partinan oost te noordwest di costa.

OLIVE TREE FUNERAL CARE & CREMATORY

Santa Faustina, bo a bisa cu bo mision lo sigui despues di bo morto,
cu lo bo no lubida nos (281.1582)
Nos señor a otorga bo un gran privilegio bisando bo pa distribui gracianan
manera bo kier, na kende cubo kier y ki ora cu bo kier (31)

Cu inmenso tristeza na nos curason pero conforme cu boluntad di Dios y ta agradecido pa tur locual e la significa pa nos, ta anuncia fayecimento di mi casa, tata, suegro y welo stima:

**Sr. Pedro Pablo
Henriquez
Mihor conoci
como Shonpe
*29-06-1944 - †22-
02-2026**



Na number di su Esposa stima:
Annie Henriquez – Kelly

Su yui stima:
Gilbert y Angelique Henriquez – Koolman

Su nieta stima:
Rosie

Rumannan:
Thelma Henriquez y famia
Lucy Henriquez y yui
†Mito Henriquez y famia
Alex Henriquez y famia
†Ovi Henriquez y Elvia
†Vale Henriquez
†Tico Henriquez y famia
Melva Vrolijk y famia na Hulanda

Con suegro (a):
Tomas y Rita Koolman y famia

Swa y Cuñanan:
†Jani Kelly y famia
Rosa y †Angel Croes y famia
Eta y Harold Wernet y famia
Rufi y Agnes Kelly y famia
†Rubio Kelly
Elsie Kelly y famia
Tico y Lia Kelly y famia

Su ihanan:
Tico Kelly
Alberto Henriquez

Tur su subrino y subrinanan, primo y primanan, amigo y amiganan y bisinanan.

Ayudante nan di cas cu a yude te final: Mena y Helena

Enfermera di cas: Pamela Henriquez

Bon amistad nan di cas: Yveth, Jomaira, Ricardo y Idelvira.

Su 2 mascotanan stima: Chokó y Nahla

Un danki special na su dokter di cas: Dr. Van der Ham, nursenan di Wondenpoli, di piso A-261 y tambe Faith & Hope Transport.

Demas famia: Henriquez, Kelly, Koolman, Vrolijk, Everon, Croes, Wernet, Gomes, Briesen, Maduro, Geerman, Pereira y demas famia y conocrinan.

Acto di entierro ta tuma lugar diahuebs 26 februari 2026 di 2:00 pm pa 4:00 pm na misa Inmaculada Concepcion na Santa Cruz.

Despues saliendo pa Santana Santa Maria Santa Cruz.

Nos kier a pidi nos disculpa si den nos tristeza nos por a lubida un of otro famia of conocrir.

Ta lamenta cu despues di entierro no por ricibi bishita di condolencia na cas.

Enbes di flor of krans un donacion pa Ambiente Felis lo ta aprecia.

Aurora Royal Pray Funeral Home & Crematory

Mi dios, mi señor, mi salvador.
Cu bo amor infinito tene mi den bo braza.
Ya no tin scuridat

Cu dolor na curazon nos ta participa fayecimento di nos ser stima.

**Sra: Angelie Anita
Everon
Cariñosamente yama
“Anchi”**

***01-25-1966 -
†02-18-2026**



Mayornan:
†Jani Maduro y †Magda Everon

Na number di su:
Yiunan:

Zhilayne Loeftok
Zhaylee Loeftok

Yiu di criansa:

Helen Loeftok y Ryan v/d Linde

Manera nieta:
Elaine Moreno

Nayla Moreno

Tata di yiunan y ex casa cu a yude te final:
Fidel (Robbie) Loeftok

Ruman:

Rica y Roy Maduro y famia

†Mirna Maduro y famia

Jani y Maita Maduro-de Cuba y

Famia

Imelda y Theo Zievinger- Maduro

y Famia

Diana y Isaias (Chai) Hernandez-

Maduro y Famia

Ivan y Mayra Angela- Henriquez y

Famia

John Angelay Nataly Arends y Famia

Nancy Angela

Glenn y Jessica Maduro-Irausquin

y famia

Patrick y Zulema Maduro-Frans y

famia

Ester Maduro y Marc Kranwinkel

y famia

Jasmin y Bas Olde Riekerink-

Maduro y Famia

Tanta y omonan:

†Emeraldo Everon y Cecilia Everon

y famia

†Julio Everon

†Valentino (Baty) Everon y Maria

simileer y famia

†Reginaldo (Nady) y Corrie

Driessen y famia

†Damasco (Danchi) y †Lidia Everon

y famia

Ex Coleganan/ Amigo/a nan di Setar, Imsan, Zorg transport
Demas famia y Amiganan: Everon, Loeftok, Webb, Van der Werf, Dirks, Maduro, Heronimo, Koolman, Vrolijk, Driessen, Henricus, Hernandez, Zievinger, Angela, Henriquez, Tromp, Eman, Croes, Marciano, Rodriguez, Niles, Dabian, Labad, Vis, hoevertsz, Werleman, Rasmijn, Erasmus, Ras, Franken, De Cuba, Bockhoudt, Salazar, Kock, Van der linden, Growell, Geerman, Albertus, Niles, Kelly, Trimon, Bislik, Toppenberg, Dorotaal, Moreno, Dubero, Gerardo, Landvruegd, Quand, Petrocchi, Peña, Dijkhof, v/d Biezen, Lacle, Winterfal, Loeftok, Orman, Salamatina, Irausquin, Bareño, Lopes, Jansen, Zimmerman, Vingal, Brito, Wolff, Rozenberg, Creeze, Bermudes, Garcia, Schwengle, Harms, Jacobs, Bikker, Orman, Iopez, Richardson, Flannegin

Despensa nos si den nos tristeza nos por a lubida algún famia of conocrir. Condolencia lo tuma lugar na Aurora Funeral Home Diamars 24 februari 2026 di 7or- 9or di anochi.

Entierro lo tuma lugar na Misa Inmaculada Concepcion na Sta Cruz Diaranson 25 Februari 2026 di 2or pa 4 or di atardi. Despues lo sali pa Santana Catolico na Sta Cruz.

Deseo di defunto: Please no bisti color di rouw, bin cu color cla y alegre. Ban corda e defunto den momento bunita y feliz. Despues di entierro no ta recibí condolencia na cas.

Maria Dora Everon
†Many Everon
†Dino Everon
†Mario Everon y Miriam Everon
y famia
†Lucia Everon y famia

Ex cuñanan y suanan:

†Simon Pablo Loeftok

Edwina Loeftok y famia

Shirly Loeftok y famia

Richard Loeftok

Nixon Loeftok, esposa Edna y

famia

Maline Loeftok esposo Hugo y

famia

Anthony Loeftok y famia

Marjory Loeftok y famia

Hubert Loeftok y famia

Mane rumen:

Vivian v/d werf

Omaira Webb

Ivan Everon

Madrina:

Carla Koolman Dirks

†Carmen Paskal

Mihor amigonan y como rumen:

Esther Kock

Swinda Dirks

Maria Danje

Esmeralda Brete

Ada Gomez Croes

Dalila Dabian

Edna Mariana

Francisca Young Landvruegd

Primonan y primanan

Ihanan:

Ryan Everon

Marvick Webb

Khareenzah v/d Werf

Jayzon Everon

Amigonan di cas:

Robbie Brete y Famia

Jean Anice y famia

Aurora Royal Pray Funeral Home & Crematory

“Señor ta mi wardador, mi’n tin falta di nada

Den cunucu di yerba berde e ta

ponemi sosega.

E ta hibami na awa trankil,

Pa mi bolbe haña forsa”.

Salmo: 23

Nos ta anuncia fayecimento di:



**Luciana Dossous
*04-06-1961 - †19-02-2026**

Acto di entierro lo wordo anuncia despues.

Wikipedia riba Aruba ta invita comunidad pa evento Ban Wiki!

Wikipedia riba Aruba ta invita publico general, profesionalnan y representantenan di institucionnan cultural pa participa den un otro edicion di Ban Wiki!, un espacio habri, amistoso y colaborativo cu meta pa contribui na haci conocemento di Aruba mas accesibel riba plataformanan di Wikimedia.

Ban Wiki! – Mehora Coleccion di Luchtfoto di Aruba

E evento lo enfoca riba mehora e coleccion di luchtfoto (potretnan for di laira) di Aad Stolwijk riba Wikimedia Commons. Durante e encuentro, participante nan lo traha hunto pa agrega captions cla, structura data y metadata detaya. E meta ta pa haci e imagennan mas reconocibel, mas facil di haya y mas accesibel pa mundo henter.

27 di Februari 2026

5:00 PM – 7:00 PM

Biblioteca Nacional Aruba, Oranjestad
(Sala di computer)

Personanan interesa por registra nan participacion via pagina principal di Wikipedia riba Aruba, unda nan por selecta “Join” y yena e formulario di registracion: www.wikipediaonaruba.org

Gran Bretaña ta revela sancionnan “mas grandi” pa Rusia riba aniversario di guerra na Ucrania

(AFP)—Gobierno Britanico a anuncia diamars cu “pakete di sancion mas grandi” contra Rusia desde esnan cu el a impone despues di Moscu su invasion di Ucrania cuatro aña pasa, cual tabata dirigi riba exportacion di petroleo y material di equipaje militar.

Marcando e aniversario di e invasion, Londres a anuncia casi 300 sancion nobo mientras minister di Asunto Exterior Yvette Cooper a bishita Kyiv. Esaki a tuma e total di compania y individuonan blanco pa e sancion pa via di e guerra na Ucrania na mas cu 3.000. e medidanan nobo ta inclui un congelacion di activo riba operador di linea di tubo Transneft, citando e “significacion strategico di e sector di petroleo pa gobierno di Rusia.”

Transneft ta transporta mas cu 80% di Moscu su exportacionnan di petroleo segun gobierno Britanico. El a enfrente sancionnan Occidental desde e anexacion di Crimea na 2014. Gran Bretaña a move contra Rusia su “red di comerciantenan di petroleo illicito,” abordando riba un di e operador-nan di flotan di sombra mas grandi exportando petroleo den desafio di sancionnan internacional.

Gran Bretaña a bisa cu e sancionnan

nobo ta manda e mensahe cu “Rusia su petroleo ta fuera di mercado.”

Un rapport publica pa un think tank Finlandes diamars a descubri cu Rusia ta exportando volumennan halto di petroleo compara cu e tempo prome cu invasion di Ucrania, sin embargo, mandando gran parti di su petroleo pa China, India y Turkia.

Gobierno Britanico tambe a aborda companianan suministrando equipaje militar como tambe e programa di energia nuclear di Rusia y industria di gas natural likido. El a enfoca riba dos canal di television den e pais di Georgia pa plama desinformacion pro-Rusia.

Ambos e stacion bao sancionnan nobo—Imedi TV y POSTV—ta considera como plataforman special pa gobierno, promoviendo e partido Georgian Dream, cual a enfrente acusacionnan di faborece Rusia y atrasando Georgia su oferta pa uni na Union Europeo.

E canalnan ta declara regularmente cu Ucrania ta un “marioneta” di e Occidente y ta pinta presidente Volodymyr Zelenskyy como ilegitimo, Gran Bretaña a bisa.

Georgia ta pa hopi tempo considera



como un di e estadonan pro-Occidente den ex-Union Sovietica, pero relacionnan a bira tenso memey di protestanan masal tocante leynan controversial reprimiendo disenso politico, media y sociedad civil.

Imedi TV a ser funda pa empresario Badri Patarkatsishvili ken a opone presidente pro-Occidente Mikheil Saakashvili y a muri na Gran Bretaña na 2008. E canal tabata te recien

propietario di un agencia Britanico cual algun siman pasa a anuncia su benta na un compania di media Georgiano y na e maneho di e canal.

Ambos canal a denuncia e sancionnan. Den un declaracion riba Facebook, ImediTV a bisa cu e sancionnan “no tin balor” mientras canal estatal POSTV a duna su respuesta riba e plataforma como dos emoji di un cara cu sonrisa.

Homber na Florida ehecuta pa asesinato di doño di supermercado

(AFP)—Un homber sentencia na morto casi 40 aña pasa pa e asesinato di un doño di supermercado a ser ehecuta via inyeccion letal na Florida diamars.

Melvin Trotter, 65, a ser condena di e asesina di Virgie Langford, 70, na 1986 durante un atraco di su tienda na Palmetto, Florida.

A programa e ehecucion di Trotter pa 6or di atardi orario

local na e prison estatal di Florida na Raiford. Anteriormente tabatin tres ehecucion na Merca e aña aki, un na Florida, un na Oklahoma y un na Texas.

Tabatin 47 ehecucion na Merca aña pasa, e cantidad mas halto desde 2009, ora 52 prisionero a ser ehecuta. Florida a conduci mayoria ehecucion na 2015—19—sigui pa Alabama, South Carolina y Texas, unda tabatin cinco



cada un.

Trint'i nueve di e ehecucionnan aña pasa a ser conduci via inyeccion letal. Tres tabata pa peloton di fusilamento y cinco pa nitrogeno hipoxia, unda ta pomp gas nitrogeno den un mascara, causando e prisionero pa sofoca.

E uso di gas nitrogeno como metodo di castigo capital a ser denuncia pa expertonan di Nacionnan Uni como cruel y

inhumano. E castigo di morto a ser aboli den 23 di e 50 estadonan na Merca, mientras tres otro—California, Oregon y Pennsylvania—tin moratorionan na luga.

Presidente Donald Trump ta un proponente di castigo capital y a haci yamado pa un expansion di su uso “pa e crimenan mas horroroso.”

Nigeria ta nenga di a paga suma di rescate pa libera muchanan

(AFP)—Gobierno Nigeriano a nenga diamars di a paga suma di rescate pa libera casi 230 mucha y personal cu jihadistanan Boko Haram a secuestra for di un scol Catolico den norte-central di estado Niger na november.

E rechazo a bin despues cu AFP a publica un investigacion detayando con gobierno a paga militantenan di Boko Haram un suma di rescate “enorme” di mionones dollar y a libera dos comandante for di e grupo pa sigura e liberacion di e studentenan.

Minister di Informacion di e pais, Mohammed Idris, sin embargo, a bisa cu e liberacion di e studentenan y personal tabata un “resultado di precision operacional y inteligencia profesional.”

“Gobierno Federal ta bisa cu e acusacionnan aki ta completamente falso y no tin base, y ta constitui un falta di servicio na profesionalismo y integridad di e forsan di seguridad di Nigeria y e sacrificianan cu nan ta haci diariamente,” segun minister Idris a bisa den un declaracion.

E secuestro na e scol co-educacion St. Mary tabata un di e secuestronan masal mas grandi na Nigeria. Sucuestro pa suma di rescate ta un manera comun pa gruponan arma traha placa den e nacion plaga pa conflicto cu 230 mionon habitante.

Un rapport recien di SMB Intelligence, un agencia di consulta basa na Lagos, a bisa cu e “industria di busca ganashi” aki a gana casi 1,66 bion dollar entre juli 2024 y juni 2025.



Trump ta busca pa haya confiansa atrobe den discurso di Estado di Union

(AFP)—Presidente Mericano Donald Trump lo purba convence votadornan riba e economia durante su discurso di Estado di Union diamars, a pesar di sufri un serie di golpinan fuerte prome cu eleccion di medio termino crucial e aña aki.

Despues di un prome aña controversial back den poder, Trump lo declara na Congreso cu Merca ta “fuerte, prospero y respeta” mientras e ta prepara pa celebra su di 250 aniversario, Cas Blanco. Trump lo “gaba orguyosamente di e logronan record di su administracion” y lo establece “un agenda ambicioso pa sigui trece e Soño Mericano back pa ciudadanonan di clase laboral,” segun Secretaria di Prensa Karoline Leavitt a bisa.

E Republicano di 79 aña a adverti dialuna cu e prome Estado di Union oficial di su segundo termino lo “bay ta un discurso largo pasobra nos tin asina hopi di bisa.” Mundo lo ta sintonisando pa hintnan di Trump tocante accion militar contra Iran, cu un preparacion militar enorme presionando Tehran pa logra na un acuerdo riba su programa



nuclear.

Trump lo discurso a politica den exterior, insistiendo riba kico su administracion ta yama un strategia di “paz via forza” despues di un serie di intervencionnan militar incluyendo na Venezuela, segun media Mericano a reporta.

Pero e discurso ta bin na un momento politicamente tenso pa Trump, memey di gradonan di aprobacion con-

stantemente abao y algun dia despues di un veredicto di Corte Supremo cu a rechasa e tarifa den centro di su agenda economico.

Papiando dilanti e mesun huesnan el a yama “dom,” Trump ta anticipa di duna un defensa fuerte riba su tarifanan. E gradonan di encuesta riba Trump ta un preocupacion pa Republicanonan y Cas Blanco prome cu eleccion di medio termino na no-

vember.

Si nan perde nan mayoria chikito den Camara di Representante e por paralisa e resto di Trump su segundo termino—y pon’e den riesgo di un tercer impeachment. E mensahe economico di Trump lo enfoca riba loke el a bisa ta exito den reduci inflacion, aumenta trabao y fabricacion, y restaura loke el a yama un “Era di Oro” di Merca.

Pero e presidente biyonario no por a convence hopi votadornan ainda cu ta preocupa tocante costo di bida—algo cu el a descarta repetidamente como un “conspiracion di accesibilidad.”

Un encuesta di Washington Post-ABC News-Ipsos publica diadomingo a muestra su grado di aprobacion na 39%. Apenas 41% a aproba di su maneho di economia en general, y apenas 32% riba inflacion.

E otro politica signatura di Trump, su promesa pa deporta migrantenan indocumenta, ta mas popular.

Pero encuestanan ta muestra cu mayoria Mericano ta pensa cu e abordamento den cual dos ciudadano Mericano a ser asesina luna pasa na Minneapolis a bira excesivo.

Democratanan ta emitendo respuestanan incluyendo boycottnan y protestanan den silencio pa e discurso —obliga bao Constitucion Mericano, cual ta bisa cu e presidente lo “de vez en cuando duna e Congreso informacion riba e Estado di Union.”

Merca a bisa EU cu e ta “para” pa acuerdo riba tarifa

(AFP)—Hefe di comercio di Union Europeo a bisa diamars cu su equivalente Mericano a cont’e cu Washington ta para pa un acuerdo clave riba tarifa cu e bloc, despues di un decision negativo riba e tarifanan di presidente Donald Trump.

Despues cu Corte Supremo a dicta diabierna siman pasa cu Trump no tin autoridad pa impone tarifa bao di un ley di 1977, e lider Mericano a responde cu tarifanan nobo di 10% riba productonan importa—cual Trump a priminti e lo subi pa 15%.

Esey a lanta preguntanan compleho tocante kico e tarifanan nobo ta nifica pa e acuerdo di EU firma aña pasa cu Trump, cual ta establece tarifanan na 15% pa mayoria productonan di EU. “Mi ta den contacto constante cu mi equivalentenan, y ambos a sigura mi cu nan ta para pa e acuerdo cu Union Europeo,” Comisario di Comercio Maros Sefcovic a conta legisladornan di EU.

Sefcovic a bisa despues cu e tabata “hopi vocal” tocante con “difcil” e tarifanan nobo anuncia pa Trump lo ta pa EU durante su yamadan.

Pero el a reconoce tambe cu e tabata “un periodo transicional unda nan ta descifrando con pa maneha e veredicto historico aki.”

E negociador top di comerciante a toca riba algun topico sensitivo den conexiennan transatlantico: Trump su tarifanan di 50% riba hero y aluminium, cual EU ta pushando pa baha.

E presidente a expande tarifanan riba

metalkan na augustus pa inclui varios centenares producto cual ta contene hero of aluminium.

Sefcovic a sugeri cu lo tin algun bon noticia pa EU “pronto.” E parlamento di e bloc a pone e trato entre Merca y EU riba pausa dialuna mientras e ta buscando mas claridad riba e veredicto di Corte Supremo, apenas un dia prome cu e comite ta di haya aprobacion.

Sefcovic a bisa cu el a compronde e

decision di e organismo, pero a agrega: “E ta importante pa nos mantene e proceso move dilanti pa implementa nos compromisonan.”

El a urgi parlamento pa aproba e trato na maart “bao condicion, claro, cu nos ta haya mas claridad di Merca.” Representantenan di estado miembronan na Bruselas a tende di e ehecutivo di EU dialuna y un diplomaat di EU cu tur hende a acorda cu “trato ta keda trato.”

Ehecutivo di EU a conta diplomaatnan si importacionnan enfrente tarifa di 10%, tarifanan pre-existente lo nifica cu algun producto por haya mas impuesto riba nan compara cu e acuerdo di 15%.

Un otro preocupacion ta cu Trump su tarifa nobo por aplica mescos pa EU cu pa paisnan cu a haci menos concesion di comercio na Washington—y tabata pa e motibo aki somet na impuesto mas halto.

“EU awor ta perde un bentaha comparativo vis-à-vis otro paisnan, cual a haci e acuerdo favorable na prome instancia,” e diplomaat a conta AFP.



Banco Mundial: Igualdad na trabao no ta existi ningun caminda

(AFP) - Igualdad completo den luga di trabao no ta existi ningun caminda na mundo y solamente un fraccion chikito di hende muhe ta biba den paisnan cu tin un mercado di labor cu ta cerca di esaki, Banco Mundial a bisa diamars.

Te hasta ora cu legisladornan aproba leynan di igualdad na trabao, solamente mita di tur caso ta berdaderamente implementa y aplica esaki, segun e banco a bisa den un rapport tocante hende muhe, negoshi y ley.

“Te hasta den economianan cu a modernisa nan leynan, hende muhe toch ta enfrenta desafionan cu ta forma e trabao cu nan por haci, e negoshinan cu nan por cuminsa y e seguridad cu nan tin mes-

ter pa persigui oportunidadnan,” Indermit Gill, e economista hefe a declara.

E rapport ta evalua no solamente leynan di igualdad cu a keda aproba pero tambe servicionan publico cu a crea pa yuda hende muhe na trabao y garantisa cu e leynan aki keda aplica.

E banco ta insisti cu reforma ta necesario pa motibo cu 1.2 biyon hoben - mita di nan femenino - lo drenta forsa laboral den e siguiente decada. “Varios lo bira mayor di edad den regionnan unda hende muhe ta enfrenta e bareranan mas grandi, unda e impulso di GDP cu lo resulta di nan participacion ta mas necesario cu nunca,” Tea Trumbic, e rapport su autor lider a comenta.



Garantisa acceso igual na trabao pa muhe no ta beneficia nan so, sino tambe sociedad en general segun e rapport ta argumenta.

Den paisnan unda hende muhe tin mas oportunidad, hende homber su tasa di participacion den labor tambe ta mas halto. Paisnan cu economia avansa tin condicionnan cu ta mas similar na igualdad,

cu Spaña den prome lugar. Paisnan den Pacifico of Medio Oriente ta hopi mas atras.

E progreso mas significativo den reduci e falta di igualdad of diferencia di igualdad na trabao a bini den paisnan cu ta den desaroyo manera Egipto, Madagascar of Somalia.

E nacionnan aki su esfuerço a ser haci pa alivia restricción di hende muhe den cierto area, institui pago igual pa trabao igual y permiti mayornan haya tempo liber.

En general, casi 70 pais rond di mundo a aproba alrededor di 100 reforma for di 2023 pa 2025 buscando duna hende muhe mas acceso na e mercado laboral y mundo di negociante.

Prome minister di Senegal ta priminti di haci castigo pa relacion di mesun sexo dobel

(AFP) - Senegal su prome minister a revela un legislacion cu lo haci e castigo maximo pa relacion di mesun sexo dobel pisa, haciendo esaki castigable cu te hasta 10 año den prison, un accion condena pa gruponan di derecho humano.

Ministernan a pasa e proposicion na Asamblea Nacional despues di aproba esaki si man pasa, despues di varios aresto di personanan acusa di relacion di mesun sexo, cual ya caba ta un crimen bao di ley di Senegal.

“Cualquier persona cometiendo un acto contra naturaleza lo ta castiga cu te hasta 10 año di encarcelacion,” compara cu 1 pa 5 año bao e ley actual, premier Ousmane Sonko a bisa parlamento diamars.

E luna aki, polis a bisa cu nan

a aresta 12 hende homber, incluyendo 2 celebridad local y un reportero conoci, bao leynan anti-LGBTQ. Media a reporta cu 30 persona a keda aresta desde e tempo aki.

Sonko a bisa cu e proposicion a modifica codigo penal pa stipula cu “cualquier acto sexual of di naturaleza sexual entre 2 persona di mesun sexo ta constitui un acto contra naturaleza.”

E ley lo castiga tambe cualquier persona cu acusa otro persona di comete ofensanan di mesun sexo “sin prueba.”

Rednan social tambe a yena den simannan reciente cu mensahenan homofobico y yamado na individuonan acusa di actividad di mesun sexo.

E proposicion tambe ta provee 3 pa 7 año den prison pa



cualquier persona cu “boga pa relacionnan di mesun sexo,” Sonko a agrega.

Den añanan reciente, problemaman LGBTQ a causa controversia na Senegal, unda defensa pro-LGBTQ ta frecuentemente denuncia como un herment usa pa Occidente pa impone balornan stranhero.

Asociacionnan religioso a organiza manifestacionnan den añanan reciente pa exige castigo mas pisa.

Prome cu el a bira prome minister den 2024, Sonko a priminti cu e lo haci relacionnan di mesun sexo un crimen, sin embargo activistanan y oposicion a acus’e

di no cumpli cu su promesa.

Grupo di campaña global Human Rights Watch a adverti den un declaracion si man pasa cu e arestonan “a intensifica e preocupacionnan tocante e pais su criminalisacion di relacion di mesun sexo y e seguridad di hende bibando cu HIV y/of AIDS.”

“Gobierno di Senegal mester actua riba su obligacion di respecta y proteha... hende su derecho” bao tratadonan internacional “pa medio di libera esnan aresta y anula cualquier ley discriminatorio y homofobico,” el a bisa.

Media di Senegal tin noticia den dianan reciente tocante

relacionnan di mesun sexo, hopi biaha combinando nan cu un asunto separa di abuso sexual di mucha.

Den e caso aki, investigadornan a dismantela un gang acusa di violencia sexual contra menornan, arestando 14 persona. E proposicion presenta den parlamento ta relaciona ambos relacionnan di mesun sexo cu abuso sexual di mucha.

“Si e acto ta cometi cu un menor di edad, lo impone e sentencia maximo,” Sonko a bisa legisladornan.

Un fecha pa e voto den parlamento te ainda no a keda anuncia.

